

لا أستطيع أن أفكر وأنا أرقص

www.liilas.com/vb3
^ RAYAHEEN ^

احمد عبد الله

كلمة

هذه هي أول قصة في قالب مسرحي أجروا على
نشرها ، ربما لأني ولدت في المسرح ، من أم وأب من أهل
المسرح ، وقضيت طفولتي وصباي بين كواليس
المسرح ، وتركت نشأتي في نفس نوعا من الرهبة من
الإقدام على أى عمل مسرحي رغم كثرة ما يخطر على بالي
من صور مسرحية ..

ولا أدري أى نوع من المسرحيات هذه التي أقدمها
اليوم .. هل هي مسرحية استعراضية ، أو فكرية .. وهل
هي درام أو كوميدي مضحكة .. كل ما أعلمه أن الذي
حرك إحساسي بها ليس وضعاً محدداً نعيش فيه ، ولكنها
صورة للتاريخ كله كما يمكن أن يوحى به التاريخ . وإذا كان
فيما رسمته من مشاهد بعض الغرابة فهي لا تصل إلى غرابة
مسرحيات بيكيت أو يونسكو أو باقي كتاب المسرح
الحديث أو ما يسمى اللامعقول ..

بل لا أدري .. هل هذه مسرحية ؟

« إحسان »

الآنسة ميمى .. (صوت تصفيق ينطلق من
خلف الستار، وضربات سريعة على الطبله
تحى اسم الراقصة) سيداتى وسادتى .. إن
كباريه الفردوس الأخضر، يفخر ويتباهى
على كل كباريهات العالم بأنه يحتكر جهود
ميمى .. نجمة عام ١٨١٥ .. آسف ..
١٩١٢ .. آسف .. أقصد عام ١٦٥٢ .. لا،
لا .. أقصد عام .. الحقيقة أنى مرتبك
شوية النهاردة .. تعبان .. حاسس انى بقالى
ميت سنة باشتغل فى الفردوس الأخضر ..
مليون سنة .. من غير نوم ولا أكل ولا
شرب .. وعلى العموم مش مهم ان ميمى
تكون نجمة عام ١٨١٥ ولا عام ٢٠٠٠
قبل الميلاد .. المهم انها نجمة ..
وأرقام السنين مالهاش معنى .. ما تدلش

المشهد الأول

(إطفاء تام لى الصالة والمسرح يستمر
دقيقتين ، وتنطلق من خلف الستار أصوات ضبط
آلات موسيقية مختلفة ما بين آلات شرقية وآلات
أجنبية ، ويرتفع معها صوت رجال مكارى ،
وهرج ..

تركر دائرة الضوء على مقدم البرنامج الواقف
أمام ستار المسرح يرتدى بدلة سموكج
مستأجرة) .

مقدم البرنامج : والآن سيداتى وسادق بعد كل التمر التى شاهدتموها
طول اليوم ، نقدم لكم معجزة الزمن .. راقصة
مصر الأولى .. الفنانة الموهوبة .. الرائعة الجمال .
المياسة القد .. الحليفة الدم .. الإنسانية الكبيرة ..

على حاجة .. الزمن مش أرقام نقراها فى
نتيجة المطبعة الأميرية ، أو تحددها ساعتى
ماركة تيتوس .. الزمن أفكار .. الفكرة
اللى فى عقل كل واحد منا هى اللى بتحدد
الزمن اللى عاش فيه .. وعقولنا مقاسات ..
زى الجزم .. فيه عقل مقاس ١٩١٧ ..
وعقل مقاس ١٩١٩ .. وعقل مقاس
١٨٨٢ .. وعقل مقاس ١٩٥٣ .. وعقل
مقاس ٢٠٠٠ .. وعقل فرعونى مقاس
٣٠٠٠ قبل الميلاد .. وعقل أرابيسك
مقاس ٨٠ هجرية .. او عوا تكونوا فاكيرين
انكم علشان قاعدين فى حنة واحدة تبقوا
عاشين فى زمن واحد .. أبدا .. ما فيش
حاجة بتجمعنا إلا المكان .. إنما الزمان ،
لا .. أبدا .. فيه اتنين هناك فى الصف
العاشر عارفهم كويس .. قاعدين جنب

بعض .. كنفهم فى كيف بعض ..
ولا بس زى بعض .. لكن بينهم وبين
بعض قرن من الزمان .. ميت سنة .. إحنا
مش عاشين فى زمن واحد .. كل واحد
فيما عاش فى زمنه .. فى فكرته .. فى
عقيدته .. ضرورى فيه فرق .. إذا ما كانش
الفرق خمسين سنة .. يبقى ستة أشهر ..
أسبوع .. يوم .. التوائم الزمنية اللى
عاشين فى يوم واحد ، ودقيقة واحدة ،
وثانية واحدة .. شىء نادر .. ويمكن شىء
مستحيل .. يبقى ما تصدقوش أرقام
السنين .. دى حاجة زى الإعلانات ،
مفروضة علينا .. زى إعلان البيبسى
كولا .. كبيرة ولذيذة .. ما حدش راح
يناقش صاحب الشركة ويقول له والله أنا
شايف انها لا كبيرة ولا لذیذة .. ما حدش

راح لشركة أومو وقال لها والله أنا رأيي انه ما
بيغسلش أكثر بياضا .. كمان ما حدش راح
للى وضعوا أرقام السنين وقال لهم :
تسمحوا تغيروا الرقم ، أنا مش عايش فى
سنة ١٩٦٧ ، أنا عايش فى سنة ١٩٨٠ ..
ما حدش .. لأنها إعلانات .. شعارات ..
وما بنهتمش بها .. لأن مالهاش أثر فى
حياتنا .. لا تزود ولا بتقص .. أنا
آسف .. عارف انى تكلمت كثير .. وأنا
دايما باتكلم كثير .. وصاحب الكباريه
غلب يطلنى كلام .. إنما أعمل ايه ..
شغلتي .. إنتاجي كله كلام .. مش عايزين
زيادة إنتاج .. يبقى عايزين منى زيادة
كلام .. والحقيقة ان أمتع حاجة فى
الفردوس الأخضر هو كتر الكلام .. أى
كلام .. لو ما كانش فيه كلام ما كنتش

اشتغلت فيه .. وكنت بقيت عاطل .. وناس
كثير من محترفى الكلام زنى كانوا اتعطلوا
وبقت حكاية .. وأزمة .. أزمة بطالة .. وأزمة
كلام ..
المهم .. أنا كنت باقول إيه .. آه ..
سيداتي وسادتي نقدم لكم الأنسة و... والله
ما انا عارف آنسة ولا سيدة .. الستات ليه
مصممين على حكاية آنسة وسيدة دى ..
حكاية بايخة .. وعيب الحاجات دى ما
بصحش يبقى لها ألقاب .. هم مش عايزين
مساواة مع الرجالة .. طيب ما فيش بين
الرجالة سيد وآنس .. ما فيش السيد على
والآنس على .. السيد وبس .. يبقى الستات
كمان ، سيدة وبس .. ما فيش السيدة ميمى
والآنسة ميمى .. فيه السيدة ميمى وبس ..
عارف انى رجعت اتكلم كثير .. وآسف مرة

تانية ..
سيداتى وسادتى . إليكم السيدة
ميمى .. نجمة عام و .. رجعتا تانى
للزمن .. كل واحد فيكم يسأل نفسه هو
عاش سنة كام .. ضرورى .. ما حدث
فيكم حاي عرف ميمى تبقى نجمة سنة
كام .. إلا إذا عرف الأول هو عاش سنة كام ..
سيداتى وسادتى .. ميمى ..

(صوت الطبله يرتفع بحسى اسم
الراقصة كما هى العادة فى صالات
الرقص .. وتصفيق حاد ..)

(يفتح الستار ببطء على صوت فرقة
موسيقية تعزف لحنا شرقيا راقصا ..
الفرقة الموسيقية فى صدر المسرح ، وقد
ارتدى كل واحد من أفرادها زيا مختلفا ..

واحد فى زى بلدى .. جلالية وطافية ..
وواحد فى زى خواجه .. وواحد فى زى
شيخ .. وواحد فى زى قسيس .. وواحد
فى زى قوقازى ، وواحد فى زى
« كاوبوى » أمريكى .. وواحد فى زى
صينى .. وواحد فى زى إفريقى ، وواحد
فى زى عربى ..

والآلات الموسيقية التى يعزفون عليها
تمثل كل ألوان الموسيقى العالمية ..
قانون .. وساكسفون .. وأرغول ..
وطبله أفريقية .. وستار هندى .. وبلايكا
رومى .. وهارب « كلاسيك » .. و ..

تسلط الأضواء كلها على الفرقة
الموسيقية فى صدر المسرح ، وبقيّة
جوانب المسرح تبقى مظلمة .. ويرتفع

منها .. من الظلام .. أصوات مختلفة :

« الله الله .. يا سيدى كده .. أطربكم

الله .. كمان والنبي شوية القانون دول » ..

فؤاد ناقر الطبله (وهى طبله مصرية

صغيرة) يبدو أكثر العازفين حماسا ،

ويجلس فى طرف الصف الأمامى من

العازفين ، ولكنه يتصرف وكأنه قائد

الفرقة الموسيقية والمسيطر عليها .. وهو

شاب ممتلئ .. فى تعابير وجهه قسوة

وشراسة .. وفى عينيه ذكاء حاد .. وله

شخصية بلطجية الصالات ..

فجأة يتغير اللحن الراقص الشرقى

ويبدأ فريق من العازفين يعزفون لحنا

كلاسيكيا .. وتبدو المفاجأة على وجه

الطبال .. وترتلك الأنغام .. ولكن الطبال

يظل محتفظا بابتسامته وحماسه ،

ويحاول أن يرافق بطبلته اللحن الجديد ،

ويبدو نشازا صارخا ..

وبعد قليل .. يتغير اللحن الذى تعزفه

الفرقة .. وتبدأ فى عزف موسيقى جاز

« تويست » .. ويحدث الارتباك بين

الآلات الموسيقية مرة ثانية .. وبفاجأ

الطبال ، ولكنه يظل محتفظا بابتسامته

ويحاول جاهدا أن يصاحب اللحن بالنقر

على الطبله ..

وسط هذه الموسيقى المختلطة

النشاز ، لا تزال الأصوات ترتفع من

أركان المسرح المظلمة :

الله الله .. كمان يا اخواننا .. يا سلام

على الفن .. هایل .. أيوه والنبي يا سى

عبده ..

ثم يرتفع صوت فى الظلام صائحا فى

لهجة السكارى :

حيرتونا الله بحيركم ..

ويرد عليه صوت آخر فى الظلام :

اسكت يا جاهل .. أما تبقى تفهم ابقى

اتكلم .. المحل ده للى يفهموا بس ..

وتعود الأصوات تردد :

الله الله .. تعيش المفهومة ..

فؤاد الطبال يقوم من مقعده بين أفراد الفرقة

الموسيقية — بينما الفرقة مستمرة فى

العزف — ويتجه إلى طرف المسرح المظلم ..

ينقر على طبلته نقرتين ، قائلا :

صحصحوا امال يا اخوانا ..

تطلق دائرة الضوء إلى المكان الذى يقف

فيه فؤاد الطبال وتكشف عن مائدة يجلس عليها

رجلان كل منهما ضخيم الجثة جدا ،

وليس له رأس .. يبدأ جسم كل منهما

بالكفين .. وكل منهما بارز العضلات

كأنهما من نوع إنسان العصر الحجري ..

ينقر فؤاد الطبال نقرة واحدة على

الطبله فيضحك الرجلان فى قهقهة

عالية ..

وينقر نقرة أخرى فيكف الرجلان عن

الضحك ..

ويقول فؤاد الطبال :

أيوه كده .. فرفشوا امال ..

يخطو فؤاد الطبال إلى ركن آخر من

الأركان المظلمة ، وينقر على طبلته نقرتين ،

فتطلق دائرة الضوء لتكشف عن مائدة يجلس

عليها ثلاثة رجال يرتدى كل منهم بدلة سوداء

(لا أستطيع ..)

وقميصا أسود ، ولكل منهم وجه أبيض ..
ينقر فؤاد الطبال نقرة واحدة على
طبلته فيقف الرجال الثلاثة ..
وينقر نقرة أخرى فيستديرون له ..
ويبدو كل منهم بعد أن يستدير وهو
يرتدى بدلة بيضاء ، وقميصا أبيض ،
ووجه أسود !

ويقول فؤاد الطبال ضاحكا :

يا بختكم ماشيين فى كل حنة .. زى
الجنه الذهب ، على كل وش مقبول !
ويضحك الرجال الثلاثة ..
وينقر فؤاد على طبلته نقرة واحدة
فيستدير الثلاثة ، ويدون بوجوههم
البيضاء ، ويضحكون أيضا ..

ويخطو فؤاد الطبال إلى ركن آخر مظلم ..
ينقر تقرتين على طبلته ، فتطلق دائرة

الضوء لتكشف عن مائدة يجلس عليها
رجلان يرتدى كل منهما عباءة عربية
وعقالا ، كلاهما فى لون الذهب ومطرزة
بجنيهات ذهبية كثيرة ، ووجه كل منهما
فى لون الذهب ، تطل منه لحية سوداء ..
وينقر فؤاد على طبلته نقرة واحدة
فيهتز الرجلان فى جلستهما ، وينطلق من
اهتزازهما صوت شخلة النقود الذهبية ..

يصيح فؤاد :

الله .. كمان والنبي ..

وينقر مرة أخرى على طبلته ، فيهتز
الرجلان مرة أخرى ، وينطلق صوت
شخلة النقود الذهبية ..

وبذلك يصبح المسرح كله مضاء ..

وتبدو فى الركن مائدة خالية ..

يلتفت فزاد الطبال لفحة سريعة إلى
داخل كواليس المسرح ، ثم يسرع إلى
مقعده بين أفراد الفرقة الموسيقية ، الذين
ما يزالون مستمرين فى عزف الألحان
المختلطة ، ويشير لهم بأن يستعدوا ..
وينقر على طبلته بحماس وقوة لينبه إلى
دخول الراقصة ، ثم تبدأ الفرقة الموسيقية
تعزف لحنا راقصا شرقيا ..
تدخل الراقصة ميمى ..

جميلة .. رشيقة .. تبدو فى عينيها
الطيبة والحيرة .. وتلبس « الحبرة »
السوداء ، وتضع على أنفها برقعا أبيض
شفاقا (الزى الذى كانت ترتديه المرأة
المصرية فى العشرينات) ..

ترقص ميمى بهذا الزى ..
ترتفع صرخات الإعجاب والتهليل :

يا أرض احفظى ما عليكى ..
يا كهربة من غير سد ..
الحركة بركة ..
بص .. شوف .. ميمى بتعمل إيه ..
حاسبى العسل اللى بينقط منك .

تقترب ميمى وهى ترقص من
العلاقين اللذين ليس لهما رأس ، فيقفان
ويتقدمان نحوها خطوة ، وينشدان فى
نفس واحد ، كأنهما كورس :

العلاقان : احنا اللى الأسد يخاف منا .. ركبناه ..
احنا اللى سيوف الأعادى بين صوابنا تبقى
لبان .. احنا اللى القنبلة الذرية تبجى لغاية
عندنا وتبقى غزل بنات .. احنا اللى بقوتنا
فتحنا امبراطوريات .. بهون عليكى كده يا
ميمى تسيبينا من غير ميعاد ..

أحدهما : ولا حتى كلام ..

الثانى : ولا سلام ..

تضحك ميمى ضحكة فاقعة ..

العلاقان : يا لهوى ..

تبتعد عنهما ميمى وتتنجه نحو المائدة

التي يجلس عليها الرجلان العريان

المذهبان، وقبل أن تصل إليها .. يتغير اللحن

فجأة ، وتعزف الموسيقى لحن

« تويست » ..

تلتفت ميمى إلى الفرقة فى دهشة ..

ولكن فؤاد الطبال يخطط على طبلته فى

عنف كأنه يأمرها بأن تستمر فى الرقص ..

ترقص ميمى تويست .. فى استسلام

وهى تنظر إلى فؤاد فى جزع كأنها تخافه .

تقترب ميمى من الرجلين المذهبين

وتقف أمامهما وهى ترقص تويست ..

يقوم الرجلان ويشاركانها فى رقصة

« التويست » وتشغل الجنيهاات الذهبية

المعلقة فى ثيابهما شخلة عالية ..

أحد الرجلين : (وهو يرقص) سامعه يا ميمى .. سامعه

الشخلة ..

الثانى : (وهو يرقص) شخلة الحياة .. شخلة

النسيم .. شخلة الهنا ..

يتوقف الرجلان عن الرقص ، ويتقدمان

خطوة نحو ميمى وينشدان معا فى لهجة

كورس :

الرجلان : احنا اللى الرمل فى إيدنا بقى ذهب .. احنا

اللى الجمل من تحتينا بقى كاديلاك .. احنا

اللى الخيمة نفخنا فيها بقت قصر من

مرمر .. نشترى نشترى .. نشترى ..

فلوسنا ما بتخلصش .. بطوننا ما

بتشبعش .. عيوننا ما تتمليش ..

أحدهما : اشترينا قصور ، وعطور ، وبخور ..

الثاني : واشترينا ألماظ ، ولولى ، وفيروز ..
أحدهما : واشترينا بنات .. سمر .. وشقر ..
وطوال .. وقصار ..

الثاني : واشترينا رجال .. عرب .. وخواجات ..
أحدهما : (فى لهجة كلام عادية) طيب والله ولا
لك على حلفان .. أنا عندى واحد
أمريكاني ..

الثاني : وأنا عندى واحد سكوتش .
الاثنان : (فى لهجة كورس) كام .. كام .. قولى
كام .. مليون .. اثنين .. بالدولار
بالاسترليني .. عملة صعبة ..

أحدهما : على باربعة مليون ..
الثاني : خمسة ..

(ميمى تضحك ضحكة فاقعة مفتعلة ،
وتهم بالابتعاد عنهما) .

الاثنان : (فى يأس) يا حسرتاه .. يا ويلتاه .. يا

كبداه ..
(يجلس الاثنان إلى مائدتهما ويكيان
بصوت عال ، ويخبطان على المائدة
بأيديهما ويرفسان بأرجلهما فى الهواء
كما يفعل الأطفال عندما يكون) .

تبعد ميمى عنهما وهى ترقص ..
تغير الموسيقى فجأة ، وتعزف الفرقة
لحن الفالس الكبير لشتراوس ..
تردد ميمى ، ولكن فؤاد الطبال ، ينقر
على طبلته نقرة قوية ، فتخاف ميمى
وترقص « فالس » ..

تقترب ميمى وهى ترقص من المائدة
التي يجلس عليها الثلاثة الذين يرتدون ثيابا
من ناحية بيضاء ومن ناحية سوداء ..

يقف الرجال الثلاثة يواجهون ميمى
بالثياب البيضاء والوجوه السوداء ثم
يستديرون ويواجهونها بالثياب السوداء
والوجوه البيضاء ..

ثم يأخذون فى تكوين تشكيلات من
انفسهم .. ابيض على اسود .. واسود
على ابيض .. اثنين سود وواحد ابيض ..
واثنين بيض وواحد اسود .. وهكذا ..
الثلاثة ينشدون فى نفس واحد :

احنا النهار والليل .. احنا الشتاء
والصيف .. احنا الميه والنار .. احنا اليمين
واليسار ..

أحد الثلاثة فى لهجة عسكرية أمرة :
يمين ..

فيستدير الثلاثة فى اللون الأبيض ..
ثم يصيح نفس الشخص :

يسار ..

فيستدير الثلاثة فى اللون الأسود ..
ويعود يصيح :
يمين ..

فيستديرون فى اللون الأبيض ..

ويصيح :

يسار

ويستديرون فى اللون الأسود ..

(يتكرر النداء والاستدارة خمس مرات ،

وميمى تضحك ولا تزال ترقص) ..

الثلاثة : (يصفقون وينشدون فى صوت واحد)

الناس بتطلع وتنزل .. واحنا بتطلع بس ..

بس .. بس .. نيجى مع الجايين .. وما

نروحش مع الراجيين .. ما نروحش .. أبدا

ما نروحش .. دايما طالعين لفوق ..

لفوق .. لفوق .. الباب المقفول نفتحه ..

الورقة الواقعة نجرها .. الكلمة حلوة ولا

لهاش معنى .. والخطوة خطوة لكن لا

تقدم ، ولا تأخر .. احنا الأمان .. احنا

السودام .. احنا المكسب .. كل

مكسب ..
(ميمى تضحك ضحكة فاقعة وتتجه
إلى وسط المسرح ..
الثلاثة يجلسون إلى مائدتهم وتتقارب
رءوسهم ويتهايمسون كأنهم يتفقون على
خطة ..
تبدأ الموسيقى فجأة فى عزف لحن
شرقى راقص ..
ميمى ترقص) ..

(يدخل إلى المسرح ثلاثة رجال عواجيز
(فوق السبعين) يرتدون بدلا سوداء من
الطراز القديم ، وياقات منشية عالية ، وكل
منهم فى يده مسبحة طويلة ويحملون على
أكتافهم نعشا خشبة ميت) .

الثلاثة : (الذين يحملون النعش فى صوت
واحد)
السلامو عليكم ..
(يتجهون إلى المائدة الخالية ،
ويضعون النعش على الأرض ، ويجلسون
وعلى شفاهم ابتسامات بلهاء ..
يدخل الجرسون يحمل صينية من
الذهب وعليها كنوس مذهبة ، وهو
يصيح :

واحد طقم مذهب لشيخ العرب .
يضع الجرسون الصينية أمام شيوخ
العرب ، ثم يتجه إلى العواجيز الثلاثة :

الجرسون : فى الخدمة يا زمن ولى .
العجوز (١) : أعطنى كأسا مترعة من بنت العنب مشتاقة
تسعى إلى مشتاق ..
العجوز (٢) : أعطنى من الصهباء ودافنى بالتي كانت هى
الداء ..

العجوز (٣) : أو كما قال أبو نواس فى عصر النهضة
والمجد ، أيام المفكر الداهية والحاكم
العادل ، والمفرش العظيم سيدنا هارون
الرشيد أعطنى ...

الجرسون : فهمنا ..
(يفتح غطاء النعش ويطل منه رأس
الميت ويلتفت إلى الجرسون)
الميت : بالصدودا من فضلك !!

(ويعود الميت ويغلق على نفسه النعش ..
ميمى لا تزال ترقص رقصة شرقية ..
كلمات الإعجاب والتهليل من كل
ناحية)

العجوز (١) : يا وعدى .. ولا زبيدة راقصة الخليفة
المأمون ..
(الميت يفتح غطاء النعش وينظر إلى
ميمى)

الميت : (مبهورا) أموت ثانى ..

(فؤاد الطبال يقترب من ميمى وهو
ينقر على طبلته ويهمس فى أذنها)
فؤاد الطبال : (هامسا) خلصى الرقصة وروحى اقعدى
مع الجماعة ..

ميمى : أنهى جماعة ؟
فؤاد : الجماعة المدهيين .. هو فى غيرهم ..
ذهب .. ذهب .. مال سائل .. (يقترب
منها هامسا) أنا اتفقت معاهم على ميت
جنيه ..

ميمى : امبارح كانوا ميتين ..
فؤاد : امبارح راح ..
ميمى : وبكره حاييقوا خمسين ..
فؤاد : بكرة لسه ما جاش ..

ميمى : (ملتاعة وهى تزفر أنفاسها) أنا
خلاص .. زهفت ... تعبت ..

فؤاد : حد يزهدق من الذهب .. حد يتعب من
الفلوس ..

ميمى : (فى مرارة) الذهب مش ممكن يعمل
منى لإنسانة .. الفلوس يدوبك تعمل منى
حيوان .. أشتري بيها عيش زى ما بشتري
بيها برسيم للجاموسة .. واشتري بيها
عقد .. ممكن أعلقه فى رقبتى ، وممكن
أعمل منه طوق للكلب .. واشتري بيها
طوب أعمل منه بيت .. بيت قاضى ..
بارد .. زى الزرية .. بيت ما فيهش عقل
يفكر ... ما فيهش قلب يحب ..

فؤاد : (مقاطعا فى حدة) انتى عايزه إيه يا ست
انتى ..

ميمى : عايزه عقل .. عايزه قلب .. تعرف يا فؤاد
لو كان عندى عقل وقلب .. كنت انا اللي
جبت الفلوس .. ما كنتش احتجت لحد
تانى .. هم اللي فى أفريقيا مش عندهم
مناجم ذهب ، إنما ما عندهم عقل .. جه
الى عنده عقل وهو اللي أخذ الذهب ..
وبقوا بتسوع أفريقيا يجروا وراه ،

واستحملوا منه الذل والكرباج علشان
يديهم شوية ذهب من بتاعهم .. زى ..
زى تمام ... زى ما بتعمل فى .. تاخذنى
تبيعنى للناس علشان أجيب لك ذهب .. لو
كان عندى عقل كنت جيت لك الذهب من
غير ما تبعنى .

فؤاد : (وهو ينظر إليها فى قسوة) أنا عارف مين
اللى حط فى راسك الكلام ده ؟ إنما لازم
تعرفى ان الدنيا كلها بيع وشرا ..

ميمى : وانا بابيع إيه .. بابيع حاجات ما بتبعش ..
حاجات بتاعتى أنا لوحدى .. حاجات ما
بيعهاش الإنسان .. الإنسان بيع أفكاره ..
بيع شغله .. وانا ما عنديش أفكار ابيعها ..
وما عنديش شغل .. لا .. عندى شغل ..
فنانة .. بارقص وباغنى .. إنما ما حدش
بيشتري الرقص والغنى منى .. واللى
بيشتره ما بيدفعش كفاية .. يدوبك
زى الجاموسة .. يشتروا لبنها
(لا أستطع ..)

بتمن أكلها .. (تنظر إليه فى توسل) ..

فؤاد .. علمنى ازاي أفكر .. كلم عقلى ..

مش لاقية حد يكلم عقلى .. كلكم بتكلموا

جسمى .. واحد يكلم حدودى .. والثانى

بيكلم صدرى .. والثالث بيكلم رجلى ..

ما حدش بيكلم عقلى .. ما حدش محتاج

لعقلى ..

فؤاد : (فى سخط) هو انتى كل ليلة تطلعى دينى

بالبهوسة دى ؟ تفكرى فى إيه يا ست ؟

ما الشغل قدامك أهو .. وتفكرى ليه ؟ ما

انا بافكر لك أهو ..

ميمى : (بلا غضب) انت ما بتفكرش .. انت

بتبيع .. كل حاجة قدامك بتبيعهها .. كل

حاجة ربنا ادهالك بعثها .. بعثى .. وبعث

نفسك .. وبعث اللى فات .. وبتبيع اللى

جاي .. بتبيع من غير تفكير .. إنما أنا عايزه

أفكر .. ويوم ما ابيع ما البعش نفسى .. أبيع

اللى بطلع منى .. أفكارى .. شغلى ..

فؤاد : أmaal انتى بتبيعى إيه دلوقتى .. ما هى

أفكارك ومشغلك ..

ميمى : لا .. بابيع راسمالى .. زى الفلاح ما بيع

أرضه .. زى العامل ما بيع العدة اللى

يشتغل بيها .. وانا راسمالى كبير .. أنا

عارفه .. أنا جميلة .. جميلة قوى .. أجمل

واحدة فى الدنيا .. وبايع جمالى .. بايعة

للناس .. بدل ما افكر واشتغل .. باخد كل

اللى حيلتى واحطه فى سرير راجل ..

بمصنى .. وبذلنى .. وبعدنى .. ويصبح

الصبح يرمىلى التمن .. وبكرة مش حايقى

عندى حاجة .. حاخلص .. جسمى

حاخلص .. جمالى حاخلص حايجعلونى

زى عود القصب .. وابقى نفل .. مش

حالاتي حاجة ابيعها ..
 فؤاد : (يخطط على طلبته خططين بعنف ،
 ويصيح في لهجة قاسية) ميمى ..
 قدامى ..
 ميمى تتراجع إلى الوراء في خوف ..
 ميمى : (خائفة تحدث نفسها) أنا خائفة .. مش
 لازم اخاف .. اللي بيخاف مش ممكن
 يفكر .. الخوف سجن .. لازم اهرب من
 السجن علشان اعرف افكر .
 (فؤاد يمد يده ويقبض على معصم
 ميمى في قسوة ويشدها وراءه متجها إلى
 مائدة العريان المذهبين .
 يقف العريان استعدادا لاستقبال
 ميمى ..
 فجأة يهب العملاقان (كل منهما بلا
 رأس) ويتقدمان نحو ميمى وفؤاد)

العملاقان : (في لهجة أمرة) عندك .. ميمى تيجي
 تقعد معانا .. دى بتاعتنا .
 فؤاد : (في لجلجة وخوف) بس البهوات
 طلبوها الليلة ..
 العملاق (١) : ما يهمش .. احنا الأقوى ..
 العملاق (٢) : احنا الرصاص ..
 العملاق (١) : احنا السكاكين ..
 العملاق (٢) : احنا الضرب ..
 العملاق (١) : والقنبلة الذرية إذا لزم الأمر ..
 العملاقان : (في صوت واحد) احنا الحماية .
 ميمى : (ساهمة) نفسى أحمى نفسى بنفسي ..
 اللي الاقوى منى سيدى .. نفسى أعيش من
 غير سيد ..
 (يتقدم العريان المذهبان والجنهات
 الذهبية المعلقة في ثيابهما تشخلل) .
 العريان : (في صوت واحد) احنا القلوس ..

ميمى : (ساهمة) الفلوس دم وعرق .. كل جنبه مدفون فيه بنى آدم ..

(يتقدم العواجيز الثلاثة ، ويفتح الميت غطاء النعش ، ويقوم من نعشه ويلحق بهم) ..

العواجيز : (مع الميت فى صوت واحد) احنا المجد الخالد .. احنا اللى كنا فى سقط اللوايين الدخول فحومل .. احنا معاوية ، وهارون الرشيد والسلطان قلاوون ، وكافور الإخشيدى . احنا الإمبراطورية .. احنا الشعر الموزون المقفى .. احنا التواشيح الحلوة .. احنا العصر الذهبى .. احنا اللى فاضلين ..

ميمى : (ساهمة) اللى يمشى .. لازم يمشى لقدام .. مش ممكن يمشى لورا ..

الثلاثة الملونون : (أبيض وأسود يتقدمون) احنا اللى فى

كل حنة تلاقينا .. احنا اللى كل فرصة ما تفوتش من تحتينا .. احنا اللى مع

العاجين .. احنا اللى أكلنا عقل الجميع ..

ميمى : (ساهمة وساخرة) وشين اليومين دول

مش كفاية .. لازم اربع وشوش ..

خمسة .. وانا ماليش إلا وش واحد ..

(تقوم خناقة بين الجميع .. وترتفع

الأصوات .. وهـرج صاخب ..

الموسيقى تعزف ألحانا مختلطة .. وترتفع

أصوات)

العملاقان : احنا القوة ..

العربان : احنا الفلوس ..

الشيوخ : احنا المجد ..

الملونون : احنا الكسبانين ..

(تختفى ميمى وسط المعركة)

(الجرسون يدخل مهرولا)

الجرشون : (صائحا) ميمى هربت ..
 (تسكت الأصوات مرة واحدة) ..
 (وتردد أصوات خافتة بين
 الجميع) ..
 ميمى هربت ..
 هربت ..
 هربت ..
 (فؤاد يتقدم إلى مقدمة المسرح) ..
 فؤاد : (فى غيظ) أنا عارف هى راحت فى ..
 راحت عند الأستاذ .. (ثم بصوت عال
 ساخط) والله لخرب بيت الأستاذ ..
 (ستار)

المشهد الثانى

(صحراء قاحلة .. فى طرفها شجرة تين
 شوكى وفى وسط الصحراء (وسط المسرح)
 مكتبة كبيرة مملوءة بالكتب الضخمة ..
 وأمامها مكتب عليه جرامافون من الطراز
 القديم صغير) ..
 (سلم خشبي صغير مسند إلى المكتبة يقف
 عليه الأستاذ مجاهد .. رجل فى الخامسة
 والثلاثين .. نحيف جدا .. وقصير ..
 مصصوص الوجه .. يضع على عينه نظارات
 سمكة .. الأستاذ مجاهد يحاول أن يشد من
 بين كتب المكتبة ، كتابا ثقيلًا كبير الحجم
 جدا .. ويترجح تحت ثقله ، ويكاد يقع من فوق

السلم .. ثم ينجح فى حمل الكتاب والنزول به من على السلم .. ولكنه ينوء تحت ثقل الكتاب .. ويعود يترنح به .. ويطوف بالمرشح وهو يترنح تحت ثقل الكتاب ويكاد يقع فى كل خطوة .. إلى أن ينجح أخيراً فى أن يضع الكتاب فوق المكتب .. ويتهد فى راحة .. ويربت على الكتاب يده) .

مجاهد : (مخاطباً الكتاب) يا أستاذى العظيم كار كوس .. لا تستهن بتلميذك مجاهد .. إنه يستطيع دائماً أن يحملك .. أحملك فى رأسى .. وأحملك على كتفى .. (يجلس إلى المكتب .. يفتح الكتاب ..

ثم يفتح درجا من أدراج المكتب .. ويخرج منه ساندويتش فول .. يأخذ فى قراءة الكتاب وهو يأكل الساندويتش) .

(تدخل ميمى مهرولة وهى تلتفت حولها ولا تزال ترتدى الحبرة والبرقع الأبيض ...)
(الأستاذ مجاهد لا ينتبه لها ، مستمرا فى القراءة ومضغ ساندويتش الفول ..)
(تقف ميمى ملتصقة بالمكتب محدقة فيه ..)

ميمى : أستاذ .. أستاذ مجاهد ..

(يفاجأ الأستاذ بصوتها ، ويقف مدعورا .. ويفتف فى صدره ليذهب عن نفسه الخوف الذى سبته له المفاجأة)
(يمد الأستاذ يده ويخطف ساندويتش الفول من على المكتب ويخفيه وراء ظهره)

مجاهد : (وهو يخرج من وراء المكتب) ماذا أتى بك ..

ميمى : هربت .

مجاهد : (فى استكثار) إيه ؟

ميمى : هربت .. جيت لك .. جيت علشان تكلم

عقلى .. انت الوحيد اللي بتكلم عقلى ..

كلهم بيكلموا جسمى ..

مجاهد : دقيقة واحدة .

(ينحنى على الكتاب ، ويقلب

صفحاته ثم يتمتم وهو يقرأ بعض

السطور ، ثم يرفع رأسه ، ويصيح)

مجاهد : (صائحا) خطأ .. الهرب فى مثل هذه

الحالة .. انحراف .. سلبية ..

(ويخفى ساندويتش الفول فى درج

المكتب) ..

ميمى : أنا ما هربتش .. الهرب إن الواحد يهرب من

نفسه .. وأنا ما هربتش من نفسى ..

بالعكس .. أنا جيت ادور على نفسى .

مجاهد : نفسك ما تلقىهاش إلا فى المجتمع اللي انتى

عايشه فيه .. الناس هى حصيلة المجتمع ..

ميمى : المجتمع اللي انا عايشه فيه مش لاقيه فيه

نفسى .. كل اللي فيه جايسن من بره

وعايشين بره .. ما فيهمش حد حاسس

بإحساسى .. ولا حد نفسه فى اللي انا نفسى

فيه ولا حد بيدبني اللي انا عايزه آخذه ، ولا

بياخد اللي انا عايزه اديه ..

مجاهد : هذه هى الآنية الاستعلائية .

ميمى : ما عرفش تبقى إيه .. اللي انا عايزاه انى ابقى

حره .. ملك نفسى .

مجاهد : الحرية الفردية هى خيانة أوتقراطية

ميكافيلية رأسمالية ساذيمية ..

ميمى : الحرية ان يبقى لى سرير لوحدى ..

لوحدى .. زمان كنت باسمع شاعر الربابة

يقول ان هارون الرشيد اعتلى سرير

الملك .. أهو انا عايزه سرير الملك .. كل

واحد فى الدنيا لازم يبقى عنده سرير
الملك .. مش سرير ذهب ولا سرير
حديد ، ولا خشب ولا جريد .. المهم انه
يبقى سريره .. بتاعه .. ما حدش يهوب
جنبه الا بأمره .. نفسى .. نفسى يبقى لى
سرير انام فيه لوحدى .. وأوده .. أوده
صغيرة محنقه .. أكنسها . وامسحها ..
وازوقها .. وابص من شباكها على الناس ..
كلهم .. واحبهم .. واضحك لهم ..
واغنى معاهم .. أنا عمرى ما كان لى سرير
لوحدى .. كان دايم فى سريري حد
غريب .. تركسى ، ولا انجليزى ولا
فرنساوى ، ولا أمريكانى ولا هكسوسى ..
نفسى انام فى سريري مرتاحه .. لوحدى ..
تعرف أنا متعباً لى ان الحرية معناها
الوحده .. يوم ما ابقى لوحدى أبقى

حره ..
الأستاذ : انتى جاهله .. إن باطنك مستغلق على بذور
رجعية محتقة باسم الآنية الاستعلانية .. إن
الالتحام الجماهيرى يولد الطاقة الديناميكية
اللازمة للانعاش التكنيكى فى زوايا
المخطط المستلهم من مقتضيات التقدم
الطبقي داخل مسيرة التاريخ ..
ميمى : مش فاهمه .. بتقول إيه ؟
الأستاذ : عمرك ما حاتفهمى .. مش مفروض انك
تفهمى .. الكادر بس هو اللى يفهم ..
ميمى : الكادر .. وانا .. أنا عايزه افهم ..
الأستاذ مجاهد : علشان تفهمى لازم اكلملك بلغة غير
علمية .. وانا ما اقدرش اتكلم إلا بالعلم ..
ميمى : علشان خاطرى .. كلمنى على أدى ..
الأستاذ : (فى تردد) ببساطة .. الحرية مش هى
الوحدة زى ما انتى فاهمة .. الحرية هى

حرية المجموع . حرية الناس كلهم ..
الوحده مش ممكن تكون حرية .. لأن
الوحدة فردية .. وانا فاهم انتى عايزه تقولى
ليه .. الوحده اللى انتى بتكلمى عليها
يسمونها فى العلم السياسى ..
الاستقلال .. فيه عقول قديمه متجمده
متأخره لسه فاكروه ان الاستقلال هو
الوحده . هو الاكتفاء الذاتى .. كله ده
خلاص .. مبقاش فيه حاجه اسمها وحدة
الطبقه فى العالم كله .. كل الناس وحده
واحد ..

ميمى : الناس .. المجموع .. أنا باحب الناس
كلهم .. باحب المجموع .. أحب اشتغل
معاهم .. وارقص لهم .. واغنى . أحب
الناس .. الناس كلهم فى قلبى .. فى
دنياى .. بس مش فى سريرى .. عايزه

سرير لوحدى .. كل واحد من الناس دول
لازم يبقى له سرير .. وأودته .. يقوم من
سريره ويخرج من أودته ويتلموا على بعض
فى مصنع .. فى وزاره .. فى جامعه .
ويشتغلوا .. كل واحد حاسس بنفسه ..
كل واحد عنده وحدته .. وحاسس بوحدة
غيره .. الوحدة حلوه .. الوحدة قوه ..
طول ما انا لوحدى حاسه انى قويه ..
أتحكم فى نفسى .. أتقلب على الجنب ده
والجنب ده زى ما انا عايزه .. الوحده
كرامه .. ما حدش يقدر يهينى وانا فى
وحدتى . بتقول الوحده فرديه .. أبدا
الفرديه هى اللى بي فكر فى نفسه بس ..
واللى يفكر فى نفسه ما يقدرش يتمتع
بوحده .. اللى يفكر فى نفسه يقى طماع
جشع مؤذى ويخرج على الناس علشان
(لا أستطيع ..)

يستولى عليهم ويرضى فرديته .. إنما اللي
 يتمتع بوحده هو اللي قلبه يساع الناس
 كلهم .. هو اللي حاسس بالمجموع كله
 داخل نفسه .. يقدر يقى وحيد ، وهو آمن
 على وحدته .. سعيد .. مرتاح .. آمن ..
 ما حدش حايطالبه بحاجة .. ما حدش
 حايعتدى عليه .. ما فيش محضر حايعش
 يحجز عليه .. تعرف أنا ..
 الأستاذ : (مقاطعا) أيتها الجاهلة .. إن ..
 ميمى : أرجوك .. سيبنى أحلم .. أنا نفسى بعد ما
 يقالى سرير لوحدى ، وأوده لوحدى ،
 أخرج ارواح مصنع ، واقعد قدام ماكنة
 كبيرة .. كبيرة قوى .. أكلمها
 وتكلمنى .. وتأخذ منى وتدينى .. تعرف
 أنا نوبة رحت مصنع نسيج كبير قوى ..
 وشفت ناس كثير .. كل واحد واقف قدام

ماكنة .. ما كانش حد بيكلم الثانى ، كل
 واحد كان بيكلم الماكنة اللي قدامه ..
 بيص لها .. وبتبص له .. بيضحك لها
 وبتضحك له .. ويبيدها وتديله ..
 حسدتهم .. ومن يومها وأنا باتمنى اتنى أقف
 قدام ماكنة أنا كمان ، وأكلمها .. الكلام
 مع الماكينات كلام مفيد .. كلام منتج ..
 طول ما الماكنة شغاله فيه حاجة بتحصل ..
 إنما الناس .. الناس بتتكلم كثير وما فيش
 حاجة بتحصل ..
 الأستاذ : (بامتعاض) أنت تناقضين نفسك .. إنك
 تقولين إن الحرية هى الوحدة ، ثم تطالبين
 بالالتحام الجماهيرى .. كيف تكون
 وحدة ، والتحام .. ها .. ها .. ها ..
 ميمى : لا .. ما فيش تناقض .. الوحدة هى إنى
 أستغنى .. قوة الوحدة هى قوة الاستغناء ..

والناس ممكن استغنى إلا إذا اشتغلت ..
ومش ممكن اشتغل إلا إذا كان فيه
ماكينات .. ماكينات للناس كلهم علشان
يشتغلوا ..

الأستاذ : (ساخرا) والممكن ده يبقى بتاع مين
بقى .. (فى لهجة خطاوية) من يملك
الآلة ..

ميمى : ولا حد .. مافيش حد يملك العمال ،
كمان مافيش حد يملك المكينات ..
المكينات زى الناس .. فى حد يقدر يقول انا
باملك الناس .. كمان مافيش حد يقدر
يقول أنا باملك المكينة .. مستعجب ليه ..
أبوه .. الناس زى الآلة .. الناس بتاكل عيش
ولحمة ، والماينة بتاكل زيت وكهربا ..
الناس بتشتغل سبع ساعات فى الوردية ..
والماينة بتشتغل سبع ساعات فى

الوردية .. الناس بتروح تنام فى بيوتها
والممكن بينام فى المصنع .. الناس
بتخصص .. تجيب واحد وتركبه تركيبة
مهندس يطلع مهندس ، وتجيب حديد
تركبه تركيب موتور يطلع موتور .. اللي
يملك الناس هو القانون ، واللى يملك الآلة
هو القانون برضه ..

الأستاذ : الممكن لا عقل له ..
ميمى : ربنا حط العقل فى الإنسان .. والإنسان حط
عقله فى الماكينات .. يبقى الممكن له عقل ..
وفيه مكينة ذكية بتشتغل زى اللهلوبة ، ومكينة
غبية كل ساعة تقف .. فيه إنسان يشيخ
ويبقى رجعى فى تصرفاته ، كمان فيه
مكينات بتشليخ وتبقى رجعية فى شغلها ،
وتتركن وتموت ، وتيجى ماينة من الجيل
الجديد .. تمام زى البنى آدم ..

الأستاذ : الممكن ليس له إرادة ..
ميمى : ولا الإنسان له إرادة .. الإرادة هى مجموعة

الظروف الخارجية اللي بتفرض على
الإنسان تصرفاته.. كل ما هناك إن فيه إنسان
يبقى أضعف من الظروف اللي حواله، نقوم
نقول عليه ما عندوش إرادة.. كمان الممكنة
إرادتها في الظروف المحيطة بيها..

الأستاذ مجاهد : الممكن مالوش عاطفة..

ميمي : (في حيرة) عاطفة! انت بتكلم عن
العاطفة.. انت فهمتني إن مافيش عاطفة..
مافيش روحانيات.. قلتلي إن كل ده أفون
الإنسان بيخدر بيه نفسه علشان يخبي
احتياجاته الجنسية.. لكن صحيح..
الماكينات ماتقدرش تحب.. ماتقدرش
ترحم.. ماتقدرش تلور.. ماتقدرش تحس
بالشوق.. بالحنين.. إنما المكينات كمان
ماتقدرش تظلم.. ماتقدرش تخون..
مافيش ماكينه بتيجي في سريري وتكلم على
أنفاسي.. يا ريتنا كنا مكينات..

الأستاذ مجاهد : أنت ماكينه.. أنت آلة.. ماذا تنتج هذه

الآلة.. إنها ترقص.. ارقصى.. ارقصى أيتها
الآلة..

ميمي : مش عايزة ارقص..

مجاهد : ليس من حق الآلة أن ترفض..

ميمي : (في أسى) حتى انت.. كنت فاكرة انك

حائككلم عقلي، ثقيتلك بتكلم نفسك..

وبتطلب اللي انت عايزه، مش اللي احنا

اللاتين عايزينه.. إيه الفرق بينك وبين بقية

الزباين.. زباين الكباريه الأخضر..

مجاهد : الفرق في المبادئ.. في الأهداف.. أنا

بافهم رقصك غير ما الزباين بتفهمه..

ميمي : مش كفاية انك تفهم.. لازم أنا كمان

افهم.. إنما الآلة ماחדش عايزها تفهم،

عايزنها تشتغل وبس اصحابها هم اللي

يفهموا.. العالم كله ماكينات بتحكم فيها

أصحاب الماكينات.. مافيش بلد كل اللي

فيه ماكينات ولا بلد كل اللي فيه أصحاب

ماكينات..

مجاهد : هذه شورانية رجعية تدل على تفكير

أركينياكى ..
 ميمى : أهوانت كده .. ماتردش على إلا بكلام ما
 افهموش ..
 مجاهد : (فى تودد) ارقصى .. الرقص تستكملين
 به شخصيتك ويقودنا إلى الفهم
 الأيدلوجى ..
 (ميمى تقوم واقفة لتستعد للرقص)
 مجاهد : اخلى الأول البرقع اللى مغطى وشك ..
 هذا البرقع بيدل على أنك تعيشين فى القرن
 السابع عشر .. تحررى .. عيشى مع العالم
 التقدمى ..
 (يمد مجاهد يده وينزع البرقع من
 فوق وجه ميمى ، فيبدو من تحته برقع آخر
 لونه أحمر يغطي وجه ميمى) ..
 مجاهد : أهو كده .. دلوقتى بان جمالك ..
 ودلوقتى نشوفى أحسن ، وتفكرى

أحسن .. دلوقتى بقيتى عايشه فى العالم
 كله ..
 (يتجه مجاهد إلى الجرامفون ويدير
 فوقه أسطوانة لموسيقى أجنبية) ..
 مجاهد : ارقصى يا ميمى ..
 (ميمى تهتز راقصة بعض هزات ثم
 تتوقف عن الرقص) ..
 ميمى : مش قادره .. مش قادره أرقص على
 المزيكة دى .. مش حاسة بيها ..
 مجاهد : يا غبية .. يا عبيطة .. يا رجعية .. دى
 موسيقى كورساكوف ..
 ميمى : ولو .. دى موسيقى أسمعها ولكن ما
 تهزنيش .. كأنها كتاب بلغة لا أفهمها ..
 مجاهد : الموسيقى لغة عالمية ..
 ميمى : حتى الموسيقى محتاجة لترجمة .. لازم
 نترجمها لى .. وبعد ما ترجمها لازم أحسن

بيها ، وانفعل بيها .. وبعدين أطلع منها
 حاجه بتاعتي أنا .. حاجه طالعه منى ،
 وتعبير عنى أقوم أقدر ارقص عليها .. زى لو
 قلت لى ارقصى باليه .. ما ارقصش .. الباليه
 حلوس مش بتاعى .. مش لغنى .. الرقص
 البلدى لغنى ، زى الباليه لغة ناس تانية ..
 وكمان المزىكة .. مزىكة سيد درويش
 ومزىكتى .. طالعه منى .. بتاعتي .. ومزىكة
 اللى بتقول عليه ده تبقى مزىكته ومزىكة
 أهله ..
 مجاهد : كل إنسان حيث يضع نفسه .. إذا وضعت
 نفسك فى كورساكوف حاتبقى
 كورساكوف .. وإذا وضعت نفسك فى
 سيد درويش حاتبقى سيد درويش .. ضعى
 نفسك فى كورساكوف وارقصى ..
 ميمى : حارقص زى ما اكون باتعلم لغة جديدة ..

(تبدأ ميمى فى الرقص)

(يدخل فؤاد الطبال يحمل طبلته ، بينما
 ميمى لا تزال ترقص)

فؤاد : لقبثك .. لو رحت آخر الدنيا حالفاكى ..
 وتروحي منى فىن ده بعدك ..

(يبدأ فؤاد فى النقر على الطبله نقرات
 راقصة ، بينما أسطوانة الموسيقى الأجنبية لا
 تزال دائره ومجاهد واقف بجانبها يدير جهاز
 الجرامفون الذى يملأ به الزمير كأنه يريد أن
 يعطى الجرامفون قوة أكبر .. وميمى حائرة
 تهتز بعض هزات على الموسيقى الأجنبية ، ثم
 تهتز بعض هزات على نقرات طبله فؤاد .. ثم
 تتوقف مرة واحدة وتسقط جالسة على
 الأرض)

ميمى : (صارخة) مش قادره .. مش قادره .. واحد

فيكم يرقص جسمي ، والثاني يرقص
عقلي .. مش ممكن اعيش وجسمي في
حثة ، وعقلي في حثة ثانيه .. مش
ممكن ..
مجاهد : العقل هو اللي يسيطر على الجسم ..
فؤاد : الجسم هو اللي يفرض على العقل اللي هو
عايزه ..
ميمي : لا العقل بقى عقلي ، ولا الجسم بقى
جسمي .. أنا غلبانه .. حيرانه ..
(فؤاد يقترب من مجاهد بعيدا عن
ميمي)
فؤاد : نتفق احسن ..
مجاهد : ما عنديش مانع .. بس مش على حساب
الأيدلوجية ..
فؤاد : اطمئن .. أنا اقدر أنقر على طبلتي أي

أيدلوجية ..
(يرفع مجاهد إبرة الجرامفون ،
وتسكت الموسيقى الأجنبية ، ثم يميل
على فؤاد ويتهايسان همسا طويلا ،
تخلله إشارات بأيديهما ، ثم يتصافحان
كأنهما اتفقا .. ويتجه مجاهد نحو ميمي
التي لا تزال جالسة على الأرض ، ويمد
يده ويشدها من ذراعها لتقوم واقفة)
مجاهد : تعالى يا ميمي ..
ميمي : على فين ..
مجاهد : تعالى بس .. ده أنا حاعلمك كل اللي انتي
عايزاه .. وخاحط عقلك في جسمك ..
وجسمك في عقلك ..
ميمي : انت بتتكلم زي ما تكون زبون ..
مجاهد : أنا مش زبون يا ميمي .. أنا صديق ..

(يخرج مجاهد من درج المكتب

ساندوتش الفول ويقطع منه قطعة يعطيها

لميمى ، ويدأ هو فى أكل القطعة

(الأخرى) .

مجاهد : يا أقولك حاشبك .

(ويشدها معه ويسيران معا وهما

يأكلان الساندوتش إلى أن يخفيا خلف

المكتبة الكبيرة المقامة فى الصحراء) .

(فزاد جالسا وحيدا أمام الجمهور

وينقر على طبلته نقرات قرية من نغمات

لحن زفة العروسة .. ويستمر ينقر وهو

وحيد على المسرح مدة طويلة ..

وفجأة ..)

(يخرج مجاهد وهو مرتد جاكيت

مذهبة بخيوط ذهبية كثيرة كجاكت الحلة

الرسمية التى كان يرتديها الوزراء فى

العهود السابقة ، ويلاحظ أنه يرتدى هذه

الجاكيت على البنطلون القديم المهلهل

الذى كان يرتديه .. وهو يسير فى عظمة

وفخامة كأنه أصبح رجلا مهما) .

(فزاد يخط على الطبله خبطات تحية

ويطلق من فمه نغمات السلام الملكى

القديم ثم يضحك) .

مجاهد : (فى عظمة) بتضحك على إيه ؟ ..

فزاد : فرحان بيك .. ما خدش وصل سرير ميمى

إلا وقام لابس جاكيت مذهب ..

مجاهد : قصدك إيه ؟

فزاد : ما ليش قصد .. عمرى ما كان لى قصد ..

أنا طبال ولس .. لو كان لى قصد ما اكتش

خليت حد يقرب لميمى ، ولا حد لبس

جاكيت مذهب غيرى ..

(مجاهد يجلس على المكتب ويدأ

منه ردتى .. فى تقليب بعض الأوراق ، ويقترب منه
فؤاد يحاول أن ينظر فى الأوراق)

مجاهد : من فضلك .. احنا ما اتفقناش على كده ..

مش من حقت تبص فى أوراقى .. كل
حقك انك ترقص ميمى لما اقول لك

رقصها ..

فؤاد : بس لازم اعرف بارقصها ليه وما ارقصهاش

ليه ..

مجاهد : حابى اقول لك .. علشان تفهم اللي عاوز

تفهمه لازم تبقى فى الكادر وانت مش فى

الكادر ..

(يهز فؤاد كفيه ويتعد)

مجاهد : دى مسؤوليات .. مسؤوليات كبيرة ..

لازم نبتدى بنى من جديد .. بنى الناس ..

نخلفهم ..

فؤاد : دى شغلة ربنا ..

مجاهد : آمال انا شغلتى ليه .. ما كان بلاش تنعبوا

نفسكم وتيجوا لغاية عندى ما دام عندكم

ربنا ..

(يسكت فؤاد وهو يهز كفيه فى لا

مبالاة، وينهمك مجاهد فى قراءة الأوراق

أمامه)

(يدخل إلى المسرح جمل يسير

على عجلات ويقوده رجل فى زى أوروبى

قديم ، والجمل محمل بمجموعة ضخمة

من الكتب وهى فى مجلدات حديثة

أليقة) .

مجاهد : (فرحا) جتتم فى وقتكم .. أنا كنت لسه

حابعت لكم ..

قائد الجمل : سمعنا بالخبر السعيد وجئنا لك بكل

النظريات والتقارير وأسرار العالم الجديد ..

مجاهد : الحقونى ..

(لا أستطيع ..)

(يشترك الجميع فى إنزال الكتب
والمجلدات .. وفؤاد يصب على الأرض
فى قرف ويخط خطوط احتجاج على
الطبله ، وتخرج ميمى من خلف المكتبة
الكبيرة كأنها استجابت لصوت الطبله) .

ميمى : إيه ده ..

مجاهد : دى الأيدلوجية .. النظرية .. العلم ..

ميمى : دى كتب .. ده كلام .. وأنا شعبانه

كلام .. كل الكلام اللى انكتب واللى لسه

حايك كتب سمعته .. وحفظته .. احنا فى

صحراء يا مجاهد .. وماقدرش اقعد معاك فى

صحراء ونقرا كتب ..

مجاهد : الصحراء فى عقلك .. علشان تبنى

الصحراء وتزرعها يبقى لازم تبنى عقلك

وتزرعه بالأيدلوجية .

ميمى : الأيدلوجية ما تسترنش .. اللى يسترنى انى

ما احتاجش لحد ..

(يدخل إلى المسرح جمل آخر لا

يسير على عجالات ويقوده رجل فى زى

عربى قديم ، وهو جمل محمل بمجموعة

من الكتب يبدو أنها كتب قديمة) .

مجاهد : إيه اللى جابكم .. ما حدش عايزكم ..

خلاص كفرنا بيكم ..

الأعرابى : جاين نقد ميمى من اللى دخلوا عليها ..

ميمى : تنقدونى بإيه .. بكتب .. أنا شعبانه

كتب .. أنا عايزة ابنى .. عايزه بيت ..

الجمال الأوربى : احنا التقدم .. احنا المستقبل ..

الجمال العربى : احنا الأصل .. احنا الطبيعة .. احنا التاريخ

احنا أصحاب الأرض .. وأصحاب

البيت .. احنا أهل اليمين ..

الجمال الأوربى : اليمين راحت عليه مع الزمن .. احنا اليسار ..

من اليسر .. يعنى التقدم .. يعنى البناء ..

الجمال العربي : اليمين .. الجنة .. واليسار .. جهنم ..
ميمي : أنا لا في جنه ولا في نار .. ولا عارفه يمين
من يسار .. أنا غايه اعيش .. غايه يبقى
لى بيت ..
فؤاد : اليسار مخالفه مرور .. واليمين زحمه ..
ميمي : ابعدوا عنى .. أنا حاسه انى رجعت
الكباريه الأخضر تانى .. مجاهد ابعدهم
عنى ..

الجمال الأوروبي : (للعربى) انتم جيتيم على ميمي ..
الجمال العربي : وانتم غايزين تاكلوا ميمي ..
(تقوم معركة بين قادة الجمال
الأوروبيين والعرب)
مجاهد : فؤاد رقص ميمي ..
(فؤاد ينقر على الطبله نقرات
راقصة ، وترقص ميمي فى تردد ، ولا
تكاد تبدأ فى الرقص حتى تسكت

المعركة ، ويقف الجميع ينظرون إلى
الرقص) .
(ميمي تتوقف عن الرقص فى هدوء)
ميمي : ما فيش فايده حافظل طول عمري
رقاصه .. وحايفضل العالم كله زباين لازم
ارقص لهم .. ما فيش فايده ..
(تسير ميمي وتختفى خلف المكتبة
الكبيرة ، ويبدأ الواقفون على المسرح فى
نقاش حاد)

مجاهد : أنا اللي اختار الأيدلوجية .
العربي : انت واحد .. اللي يختارهم الناس .. من
حقنا نكلم الناس ..
الأوروبي : الواحد هو الكادر .. والكادر هو الناس ..
احنا بس اللي نتكلم ..
فؤاد : (ينقر على الطبله) الطبله هى اللي
نتكلم .. طول عمرنا هنا بنطبل ..

(فجأة ينطلق صوت رصاص عفيف من
خلف المكتبة ، وصوت أزيز طائرات ،
وصوت دبابات وقنابل)

الأوربي : دى حرب .. (يجر جملة ويخرج
مهرولاً) .

العربي : دى زى ما تكون الدنيا قامت .. (يجر
جملة ويخرج هاربا) .

مجاهد : يا خير اسود ومهب .. ده رصاص .. زى
ما تكون حرب .. ربنا يستر (يخرج
ويختبئ تحت المكتب) .

فؤاد : دلوقتى بتقول ربنا يستر .. اشمعنى الأول
ما كنتش بتقول ربنا .. وانا ارواح فين ..
ميمى .. ميمى .. (ينقر فؤاد على الطلبة
نقرات عصية متلاحقة) يا ترى ممكن
صوت الطلبة ينسيها صوت الرصاص . يا
ترى ممكن الطلبة تنسيها الحرب .. يا ترى

حالتك إيه يا ميمى .. وحاشتك معاكي بعد
كده وازاي يا ميمى ..

(تدخل ميمى وهي تعثر في مشيتها ..
جريحة .. والدماء تنزف منها .. وقد نزعت
البرقع عن وجهها وظهر وجهها الأسمر
مغطى بالدماء .. قد اختفت ذراع من
ذراعيها كأنها قطعت) .

ميمى : ضربوني .. الرصاص في كل جسمي ..
وخذوا حنة مني ..

(فؤاد يتراجع وهو يكاد يركى ..
ويخرج مجاهد من تحت المكتب ،
ويتقدم إلى ميمى في ارتباك) .

مجاهد : سنجد الحل .. كل شيء سيعود إلينا .. إن
كتاب الأسرار الكونية في المنظمة الدولية
يقول في النص التاسع والخمسين من البند
ألف ومائتين . إن الحل في يد القوى

الجماعية التي يشكلها المجتمع العالمي
المستنير بالاستعلامية الشوبرانية .

(يذهب إلى المكتب ويعود حاملا كتابا)

مجاهد : حتى شوفى .. اقرى بنفسك ..

(ميمى تمسك بالكتاب يدها السليمة

وتنهال به فوق رأس مجاهد فيقع على

الأرض كأنه مات)

ميمى : أنا مش عايزه كتاب .. مش عايزه كلام ..

عايزه دراعى اللي راح .. عايزه ارجع دمي

اللى نرفوه .. عايزه اعيش .. أنا باموت ..

(يقترب منها فؤاد وينقر على الطبله)

فؤاد (ضاحك) : ارقصى يا ميمى .. طول عمر الرقص

بيداوى جروحك .. تعرفى هم ضربوكى

ليه ؟ علشان ما رقصتيش ليهم .. لو كنت

رقصتى ماكانوش قربوا منك .. الرقص

يعنى أكل المخ ، وانتى ما أكلتيش مخهم ،

فأكلوكى ..

(ميمى تمد يدها وتخطف الطبله

وتقذف بها على الأرض فتحطم كلها ..

ويقع فؤاد بجانب طبلته) .

ميمى : الطبله هى اللي ضيعتنى .. الرقص هو اللي

شغلنى عن إننى أبني بيتى .. بيت أحتمى فيه

وما حدش يضربنى فيه ..

فؤاد : (بجانب حطام الطبله) أنا طبال .. كل

اللى انا عايش علشاناه واللى اعرفه إننى

أطبل .. من غير طبله .. أموت ..

(فؤاد يقع على الأرض مغشيا عليه

كأنه مات)

(ميمى تترنح فى مشيتها وقد اشتد بها

الإنهاك والدماء تغطيها ، ثم تجلس على

الأرض)

ميمى : أنا عايزه دراعى اللي أخذوه .. عايزه دمي

اللى شربوه .. عايزه حد يجسرى بى
وراهم .. عايزه رصاص اضربه زى
الرصاص اللى انضربت بيه .. عايزه ارجع
اعيش .. أعيش .. مين اللى حا يخلينى
اعيش ..

(يخرج أمام الجمهور مقدم البرنامج
وهو يسير مستندا على عكاز ، وثيابه
ممزقة ، وفى وجهه جرح ، ورأسه
مضمد) ..

مقدم البرنامج : طبعاً كلنا عارفين ان اللى حصل لميمى
حصل لنا كلنا .. لكل اللى كانوا معاها ..
هناك فى الصحراء .. بس انتم ما كنتوش
معاها .. كنتم قاعدين تنفرجوا .. المهم ..
الرواية لسه ما خلصتش .. لسه قدامنا
كثير .. واحنا دلوقتى فى سنة ١٨٨٢ ..
.. آسف .. سنة ١٩١٢ .. آسف .. احنا فى

سنة ٣٠٥ هجرية .. آسف .. حانرجع
تانى نتلخبط فى التاريخ .. مش مهم احنا فى
سنة كام .. ولا فى شهر كام .. يمكن نكون
فى شهر محرم ولا شهر أمشير ولا أيلول ولا
يناير .. مش مهم .. المهم حالتنا دلوقت ..
لازم نلاقى نهاية للمسرحية .. ياترى نبتدى
نضرب اللى ضرب ميمى .. والا ناخذ
ميمى ونرجع الكباريه الأخضر .. ويا ترى
لو رجعت ميمى للكباريه حتقدر ترقص
وهى ناقصة حته .. والا لازم نشوف لها
رقصة جديدة .. رقصة بدراع واحد ..
رقصة والرقاصة مجروحة .. لازم نفكر ..
كلنا نفكر .. والفصل الثانى حيتدى ..
بس احب اقول لكم ان لما الفصل الثانى

ويتدى ما حدث فيكم حايقعد يتفرج ..
كلكم حشتغلوا معانا .. كلكم حانطلعوا
على المسرح .. علشان المسرحية تنجح .
سيداتي وسادتي .. قرقزوا لب ..
وكلوا شيكولاته .. لغاية ما الفصل الثاني
يتدى ..

(تطفأ الأنوار)

المشهد الأول

الدراجة الحمراء

في مساء المسرح التي تجمع جمهور المتفرجين
بمسئله فيكون المشهد الأول .. وهو فيكون
قاعة محكمة تجمع في بيها بين الفن
الرقص .. أي جيران من الطين وسيدان
والذين
الروماني ، والفن الأوربي القديم ، ثم الفن
المودرن . ويبدو هذا الجمع بين الفنون في كل
أنحاء القاعة وفي كل قطع الأثاث .

في مخرج من خلف ستار المسرح رجل
محمول في لعبة كبيرة يتساءل الشعر ،
ويوتدى الزى الذي يرمز به إلى

يبتدى ما حدث فيكم عاينكم بصرح ..
كلكم حشمتوا مملأ .. كلكم حشمتوا
على المسرح .. عشان المسرحية تجمع ..
سيفلح وماتنى .. فرقتوا لب ..
وكلوا شيكولاته .. لقاية ما الفعل الثاني
يبتدى ..

(انطقا الأكرار)

دا صحا قجاء مملأ

علا .. إذا كنت (دخول) تشنوا مملأ ..
تمشيتوا كذا كذا .. وإذا كان محض لك

المشهد الأول

قصة قبيحة ..

(صالة المسرح التي تجمع جمهور المتفرجين)

يشملها ديكور المشهد الأول .. وهو ديكور

قاعة محكمة تجمع فى بنائها بين الفن

الريفى ، — أى جدران من الطين وسبقان

النخيل — وبين الفن القرونى القديم ، والفن

الرومانى ، والفن الأوروبى القديم ، ثم الفن

المودرن .. ويبدو هذا الجمع بين الفنون فى كل

أنحاء القاعة وفى كل قطع الأثاث) .

(يخرج من خلف ستار المسرح رجل

عجوز ذو لحية كبيرة بيضاء الشعر ،

ويرتدى الزى الذى يرمز به إلى

التاريخ) .

التاريخ : (فى صوت عال) محكمة ..

(يبدأ ستار المسرح فى الانفتاح ،
ولكن التاريخ يلتفت إلى خشبة المسرح
ويصيح وهو يشير إليه بيديه) .

التاريخ : اقبل .. لا تفتح الستار .. اقبل ..

(ثم يلتفت التاريخ إلى جمهور
المتفرجين وهو ساخط غاضب) .

التاريخ : المفروض لما اعلن عن بدء المحاكمة أن

يقف كل اللى قاعدين انتظارا لدخول
القضاة ، احتراماً لهم .. وانا ما شفتش ولا
واحد فيكم قام وقف .. يعنى ما فيش ولا
واحد فيكم عايش فى القضية .. كلكم

حاسين انكم بتفرجوا .. بتفرجوا وبس ..

وده اللى بنحاول اليومين دول اتنا نغيره ..

بنحاول انكم تعيشوا معنا مش تفرجوا

علينا .. إذا كان ده تمثيل تمثلوا معنا ..

وإذا كان لعب تلعبوا معنا .. وإذا كان عمل

وتعب ، تعملوا وتعبوا معنا .. والمخرج

الجديد مصمم على إن الجمهور ما يفضلش

طول عمره جمهور متفرج ، لازم يعيش

جوه المسرحية ، عشان كده رسم الديكور

بحيث يمتد حوالىكم .. بصوا حوالىكم ..

انتم مش قاعدين فى صالة متفرجين .. انتم

قاعدين فى قاعة محكمة .. لكن يظهر ان

ما فيش فايده .. أنا يائس .. عشت معاكم

خمسـة آلاف سنة وانا يائس .. لا .. أيام

أحمس ما كنتوش بتفرجوا ، كنتم عايشين

معاه فى مسرحيته مع الهكسوس .. وأيام

سنة ١٩١٩ برضو ما كنتوش بتفرجوا ..

اشتغلتمو مع الممثلين وتعبتمو معاهم على

المسرح .. بعد كده ما اعرفش حصل

(لا أستطيع ..)

إيه .. انما رجعتم تنفرجوا .. لأ .. أنا
عارف حصل إيه .. حصل انكم سبتم
الممثلين تنفرجوا على بعض وقعدتم انتم
تاكلوا .. فات عليكم عشرين سنة
بتاكلوا .. كفاية .. كفاية أكل .. الأكل
اللى بتاكلوه ما يشبعش ده أكل يجوع ..
وحاتفضلوا تاكلوا لما تلاقوا نفسكم
بتموتوا من الجوع ..

سيداتى ، أنساتى ، أنا آسف .. يمكن
أكون ظلمتكم .. انما انا شايل فى قلبى
صفحات كثير .. وكل اللى قريبوه فى
الكتب ، مش كل اللى شايله فى قلبى .. فيه
حاجات كثير انا بس اللى عارفها .. وكل
اللى باقوله مجرد أمثلة .. وانتم عشتم كثير
على المسرح زى ما عشتم كثير بعيد عن
المسرح .. انما اللى مخلينى أتحمس

اليومين دول ، إن المخرج الجديد مصمم
على انكم تشاركوا فى المسرحية ، واذا ما
اشركتوش حايقفها .. حايطل .. تعالوا
نبتدى من جديد ..
(يعود التاريخ إلى خلف ستار
المسرح ، ويسود القاعة صمت تام ،
وبعد دقيقة ونصف ، يخرج التاريخ من
خلف الستار ويفتح الستار)

التاريخ :

محكمة ..

(يقف كل جمهور الصالة فى احترام
كبير ، ويفتح الستار) .

(ديكور المسرح مكمل لديكور صالة
المتفرجين أى يجمع كل فنون التاريخ من
الناحية المعمارية ، وناحية الأثاث .. وفى
نهاية صدر المسرح أقيمت منصة
القضاة ، وعن يسار المنصة أقيمت قضبان

مختلفة النوع بعضها قضبان حديدية ،
وبعضها قضبان خشبية ، وبعضها قضبان
من الحجارة ، ويقف خلفها أربعة من
المتهمين ، وعلى يمين المنصة مقعد
المدعى العام ، ثم مقاعد الحضور من
أقارب المتهمين وأصدقائهم والمحامين ،
موضوعة بحيث تكون ظهورهم
للمتفرجين ، حتى يبدو المنظر كأنه امتداد
لقاعة واحدة .

(والمتهمون الأربعة ، يبدو رئيسهم
مهيبا وهو يرتدى جاكete أوروية ، فوق
جلباب قروي أحمر ، ومن تحت الجلاباب
الأحمر يرتدى بنطلونا « بلوجيتتر » وعلى
رأسه عمامة كبيرة) .

(والمتهم الثانى يبدو قصير القامة ،
فوق كتفيه رأس كبير له ست عيون كل

عينين متجاورتين .. عيانا وتحتهما
عيان ، ثم تحتهما عيان .. وعلى كل
جانب من جوانب الرأس ثلاث آذان تحت
بعضها) .

(والمتهم الثالث متوسط القامة له
لسان طويل يتدلى حتى صدره ، وينتهى
بميكروفون كبير) .

(والمتهم الرابع ضخم الجثة ، بارز
العضلات ، وفى يده كرباج ، ومعلق فى
جانبه خنجر ومسدس) .

(كل من على المسرح وقف بعد أن
أعلن التاريخ بدء المحاكمة) .

(يدخل المدعى العام ويقف بجانب
المقعد المخصص له ، وهو لا يزال فى
صباه ، ويبدو أنه لا يتجاوز الخامسة
عشرة من عمره) .

(ترتفع همهمات بين حضور
المحكمة وهم يتطلعون إلى المدعى
العام ، وكأنهم فوجئوا به) .

(يدخل القضاة الثلاثة .. الثلاثة من
الصية الذين لا يتجاوز أكبرهم الخامسة
عشرة من عمره .. وترتفع همهمات
الحضور أكثر) .

(يجلس القضاة ، ويجلس بعدهم كل
من في القاعة ، والهمهمات مستمرة حتى
تصبح ضجيجا) .

(المتهم الأول يشير بأصبع يده إلى
المتهم ذى العيون الست ، وهذا يلتفت
إلى أحد الجالسين فى القاعة ، ويغمز له
بعين واحدة تتحرك فى ذبذبات متالية
كأنها تطلق إشارات والجالس الذى
وصلته الإشارة ينحن ويهمس فى أذن

الشخص الذى يجلس بجانبه وهذا يهمس
(فى أذن جاره) .
(وفجأة يدوى التصفيق فى قاعة
المحكمة)

(رئيس المحكمة تبدو عليه الدهشة
بعد أن سمع التصفيق كأنه فوجئ به ، ثم
يميل على زميله القاضى عضو اليمين كأنه
يتشاور معه ، ثم يتشاور مع عضو اليسار ،
ثم يواجه جمهور القاعة ، ويخطب على
حافة المنصة التى يجلس إليها بالقدم
الخشبي الذى يخص للقضاة ليستعينوا
به فى إدارة الجلسة ، ويسكت الحضور
ويتوقف التصفيق فجأة بمجرد أن يخطب
القاضى بالقدم) .

رئيس المحكمة : لماذا تصفقون .. إنكم لا تعرفوننا .. ولا
شك أنكم دهشتم وفوجئتم عندما رأيتم أن

أعضاء المحكمة كلهم في بداية الشباب ..
صغار في السن .. وقيل أن تعرفونا ، وقبل
أن تفهموا سر اختيارنا لتولى محاكمة
المتهمين ، صفقتم ، لأنكم تلقيتهم أمرا
بالتصفيق .. إن المحكمة لاحظت عملية
إعطاء الأوامر بالتصفيق .. والتصفيق الذى
يقع بناء على إصدار أوامر .. أو الذى يقع
دون مسببات ومبررات تتطلب التصفيق ،
يعتبر رشوة .. ولذلك .. فإن المحكمة
تتهم كل من شارك فى التصفيق بمحاولة
رشوة القضاة ، وقد يكون بينكم من صفق
انقيادا لشهوة التصفيق ، أو انسياقا وراء
قيادة المصفقين وهو ما يعتبر إحدى العادات
الشعبية التى تكشف عن إحدى نقاط
الضعف الشعبى ، وهؤلاء توجه إليهم
المحكمة تهمة الجهل .. والمحكمة

تصدر أمرها إلى رجال الحرس بإخراج كل
من صفق من القاعة ، وتسجيل أسمائهم ،
لإعادة محاكمتهم بتهمة محاولة تقديم
الرشاوى أو بتهمة الجهل ..
(يتحرك رجال الحرس المخصص
لقاعة المحكمة ويقبضون على كل من
صفق ويقودونهم إلى خارج المسرح)
رئيس المحكمة : (يتسم فى مرارة بعد أن تم إخلاء القاعة
من المصفقين) إن عدد المصفقين كبير .
(يعود رئيس المحكمة ويتشاور مع
عضو اليمين وعضو اليسار ، ثم يعتدل
مواجهها الجمهور ، يخطب بالقدوم على
حافة المنصة)
رئيس المحكمة : قبل أن تبدأ المحاكمة ، أحب أن نشرح
للحاضرين كيف تم اختيارنا .. فالقضية
كما تعلمون قضية كبيرة واسعة تشمل

آثارها الماضى والحاضر والمستقبل .. وقد
قام تساؤل أساسى استغرقت مناقشته ساعات
طويلة عند تشكيل هيئة المحكمة .. وكان
النسائل هو ، من يتولى المحاكمة ؟ .. هل
يتولاها الماضى ، أو يتولاها الحاضر ، أو
يتولاها المستقبل .. وكان لكل جانب
مؤيدوه وحجته .. فالماضى هو الذى
يستطيع أن يقدر بدقة مدى الانهيار الذى
أصاب القرية ، لأنه سبق له أن عاش أيام
المجد .. عاش أيام الفراعنة ، وعاش أيام
الانتصارات الإسلامية ، وعاش أيام
الانتصارات على حملات الصليبيين .. فهو
القادر على أن يكشف الأسباب التى أدت
إلى ضياع كل هذا .. قادر على أن يقول
لماذا كنا كذا ، وأصبحنا كذا .. ولكن
هذه الحجة رفضت لأن العودة إلى الماضى

أشبه بزيارة القبور . والميت فى قبره مهما
كان عظيما فى حياته فهو لم يعد يساوى إلا
قيمة الذكريات ، ومدى ما يمكن أن تؤثر
هذه الذكريات على بناء الشخصية . أى أن
كل قيمة الماضى محصورة فى الدراسات
التي يستعين بها العقل فى عمليات الخلق
الجديد .. ولو أن الميت عاد إلى الحياة
وخرج من قبره فربما فاجأته الدنيا بما
تطورت إليه فلا يستطيع أن يستعيد مجده
ولا عظمته التى سبق أن حققها ، لأنه يكون
فى حاجة إلى دراسة لحياة أخرى لم
يعشها .. ورغم ذلك فإن كثيرا من المثقفين
لا يكتفون بدراسة الماضى بل يعيشون فيه ،
أى أنهم يعيشون فى القبور ، وهو أحد
الأسباب الرئيسية لنكبتنا .. ولهذا تقرر
رفض اقتراح أن يتولى الماضى محاكمة

المتهمين ...
أحد الحاضرين : ده الماضى بركة ..
رئيس المحكمة : البركة هى تعبير عن معنى الاتكال .. اتكال
على قوة لا نملكها وليست فى أيدينا ..
الاتكال على المجهول .. على الغيبات ..
ونحن هنا لنقيس كل شىء بقوتنا الذاتية التى
نعرفها ونستطيع أن نسيطر عليها
ونحررها .. إن شعار البركة هو دعوة لإلغاء
العقل .. والذى يتولى هذه المحاكمة هو
العقل ..
(تدور بعض الهمسات بين
الجمهور ، ويخبط رئيس المحكمة
بالقدوم على المنصة ، فيعم الصمت) .
رئيس المحكمة : لنستمر .. لقد نوقش بعد هذا اقتراح بأن
يتولى الحاضر مهمة محاكمة المتهمين ..
وكانت الحجة هى الاحتفاظ بوحدة

وسلامة الكيان القائم للقضية .. وبما أن
الحاضر هو الكيان وهو النظام . فليتول أمر
نفسه .. وكان الرد على هذه الحجة قائما
على أن الحاضر هو المتهم ، ولا يمكن أن
نعهد إلى المتهم بمحاكمة نفسه ..
وصحيح أننا حصرنا المتهمين فى أربعة
أفراد ، ولكن هؤلاء الأربعة هم صورة
الحاضر القائم ، وكل ما فى الحاضر تابع
لهم ومن صنع أيديهم ، ولذلك فلا يصلح
الحاضر لتولى المحاكمة ..
أحد الحاضرين : (من أقارب المتهمين) طيب بأه ما تحيوا
كل الناس اللتى عايشين فى البلد
وتحاكموهم .
رئيس المحكمة : (يخبط على المنصة بالقدوم) ليس لأحد
حق المقاطعة ، وإلا اعتبرنا المقاطعة نوعا
من التشويش المقصود على سير

المحاكمة .. ورغم ذلك فردا على ما نقوله
يجب أن تعلم أن الناس هم ملك لتأثير
وسلطة القيادات ، ومحاكمة القيادة هي
محاكمة للناس كلهم ، وتغيير القيادة — لو
حدث — هو تغيير لحالة الناس .. إن القيادة
بنص القانون هي الفاعل الأصلي ، ولكن
الفاعل الأصلي لا يعنى بقية الفاعلين من
المسؤولية .. وبقية المسؤولين هم الشعب
كله .. والشعب ينقسم إلى طبقة جاهلة —
والجهل كما سبق أن أعلننا يعتبر جريمة
تستوجب المحاكمة — وإلى طبقة أخرى
منافقة ومستفيدة وهذه أيضا متهمه .. وإما
طبقة متباعدة جبانة ، والجبن والتباعد عن
المسؤولين هما أيضا جريمة تفرض
العقاب . ولكننا نبدأ اليوم بمحاكمة الفاعل
الأصلى ، ثم نرقب بقية الفاعلين فإما أن

يتطوروا إلى شعب جديد بعد التخلص من
الفاعل الأصلي ، وإما أن تبدأ محاكمة كل
من لا يتطور ..

(مهمة بين الجالسين ، ورئيس
المحكمة يخط على المنصة بالقدوم) .
رئيس المحكمة : الصمت من فضلكم .. ونستمر فى
موضوع تشكيل هيئة المحكمة .. فقد كان
الاقتراح الأخير الذى نوقش هو أن يتولى
المستقبل مسؤولية المحاكمة .. وكانت
الحجة الرئيسية لهذا الاقتراح هي أن
المستقبل هو صاحب المصلحة الحقيقية
والكاملة فى هذه القضية ، وهو الذى
يتحمل آثارها .. كما أن المستقبل ليس
متأثرا بعقلية الماضى ولا يحمل مسؤولية
الحاضر .. فالتأثر بالماضى والتعلق به هو
ملجأ الفارغين المنكوبين الذين يعجزون

عن انباء الجديد ، وجيل المستقبل لم يتعرض بعد لهذا الفراغ والعجز ، ونأمل ألا يتعرض لهما ، وكما لأنه أيضا جيل لا يحمل مسئولية الحاضر فهو متحرر منه بحيث لا يمكن أن يتأثر به في إحكامه تأثرا مشبوها بالنفاق أو الاستفادة .. وهكذا ..

تقرر أن يتولى المستقبل مهمة محاكمة المتهمين .. وقد تم اختيار هيئة المحكمة على أساس أنهم يمثلون المستقبل ..

(المتهم الأول أمر الله أبو الروس يتحنن ويقوم واقفا في قفص المتهمين ، ويرفع يده مستأذنا من رئيس المحكمة في الكلام) .

أبو الروس : (في صوت هادئ وقور) يا سيادة القاضي .. لقد تفضلتم وفسرتم لنا أسباب ودوافع ومنطق تشكيل المحكمة ، ولكن

ينقصنا أن نعرف ، إذا لم يكن لديكم اعتراض ، من الذى أمر بتشكيل المحكمة ..

رئيس المحكمة : (بسرعة) المؤلف ..

(مهمة صاخبة من جميع الحاضرين ، والرئيس يخطط بالقدم الخشبي على حافة المنصة) .

رئيس المحكمة : ماذا .. ألا تفهمون .. لماذا هذا الصخب ؟ ..

المتهم أبو الروس : لو سمح سيادة القاضي .. أنا فعلا لم أفهم .. ماذا تقصد سيادتكم بأن المؤلف هو الذى أمر بتشكيل المحكمة ؟

رئيس المحكمة : يبدو أن الذى لا تفهمه فعلا هو معنى صفة وكلمة المؤلف .. إن كل الذين صنعوا التاريخ مؤلفون .. وكل الذين صنعوا الأحداث مؤلفون .. وكل القادة السياسيين (لا أستطيع ..)

والاجتماعيين والعسكريين مؤلفون .. هتلر لم يكن سوى مؤلف .. وفابليون مؤلف وإسكندر المقدوني وصلاح الدين كلاهما مؤلف .. إنك تحاول أن تحصر صفة المؤلف في كاتب القصة أو الرواية .. إنه فعلا مؤلف ولكن الآخرين أيضا مؤلفون ، والفرق هو أن كاتب القصة يؤلف قصة ومن حق الناس أن تقرأها أو لا تقرأها .. تقبلها أو ترفضها .. ولكن مؤلفى أحداث التاريخ ، ومؤلفى كيان الأمم يحرمون الناس من حرية القبول والرفض .. إنهم لا يفرضون آراءهم على خيال الناس كمؤلف القصة ، ولكنهم يفرضونها على واقعهم .. وهم لا يكتبون كلمات ولكنهم يبنون مؤلفاتهم فى واقع بكل وسائل البناء .. وهذا الفرق يبدو واضحا بين كارل ماركس ولينين ،

فماركس كان مؤلفا ولكنه كان يضع آراءه وخياله فى كلمات يجمعها فى كتاب .. من حق الناس أن تقرأ أو لا تقرأ .. ومن حق من يقرأ أن يقتنع أو لا يقتنع .. وجاء لينين وأخذ هذه الآراء وبدأ يؤلف بها نظاما ودولة .. ورغم أن أسس الخيال واحدة من الاثنين .. إلا أن مؤلفات لينين تختلف اختلافا كبيرا عن مؤلفات ماركس .. وربما لو عاد ماركس إلى الحياة ورأى الواقع الذى ألفه لينين لقال إن هذا ليس من تأليفى ، وهو ما اعترف به كل من قرأ مؤلفات ماركس واقتنعوا بها ، ولهذا فهم يقولون إننا لم تصل إلى الشيوعية بعد .. وأخيرا .. وبعد كل هذا الشرح الطويل ، فأنت مؤلف .. وكل ما حدث فى القرية على أيامك كان من تأليفك .. ولذلك فالذى يحاكمك هو

أبو الروس : أنا لم أفرض خيالي وآرائي على الواقع ، ولكن الواقع هو الذى حدد وسيطر على خيالي وآرائي ..

رئيس المحكمة : هذا ما سيكشف عنه التحقيق والمحاكمة ..

أبو الروس : إن القانون يعطيني حق رد المحكمة .. وأنا أردّها لأنها مؤلفة من جيل لم يكبر وينمو بعد حتى يستطيع أن يلم بالأحداث أو يستوعب الواقع بحيث يستطيع أن يحاسبني ويحاكمني على هذه الأحداث التي جرت والواقع الذي عشت فيه .. إنني أطالب بأن يتولى محاكمتي الجيل الذي استكمل دراسته ، حتى أطمئن ويطمئن الناس كلهم إلى أن أحكامه قائمة على دراسات وبحوث وعقلية ناضجة .

رئيس المحكمة : تقصد أن يتولى الحاضر محاكمتك ، لا المستقبل ..

أبو الروس : أقصد ما قلته ..

(يتشاور رئيس المحكمة مع عضوي اليمين واليسار في همسات غير مسموعة ، ويدو عضو اليمين محتدا غاضبا كأنه على خلاف مع رئيس المحكمة وعضو اليسار)

رئيس المحكمة : توقف الجلسة إلى حين النظر في طلب رد المحكمة ..

(يقوم القضاة الثلاثة والمدعى العام ويتجهون خارج المسرح إلى غرفة المداولة)

(ترتفع الأحاديث بين الجمهور وبصوت عال)

أحد الحاضرين : (وهو ينظر إلى المتهم الأول) والله جدع

يا ابو الروس يرضه عارف تقف لهم ..
أحد أفراد الجمهور : (في صالة المتفرجين لزميل له) ما فيش
فايدة .. مش ممكن حد حايقدر عليه ولا
المحكمة ..

متفرج آخر : الطريقة الوحيدة انهم يسيبوه لربنا .. ما
حدش يقدر عليه إلا الله.

(المتهم الثاني عبد السميع أبو العينين
الذى يحمل في رأسه ست عيون وست
آذان .. يشير بإحدى عيونه إلى أحد
الجالسين ، فيدير الجالس ظهره له كأنه
يرفض أوامره)

الجالس : (الذى يدير ظهره) ابعده عنى يا ابو
العينين .. كفاية اللي جرى لى ..

(المتهم الثالث عبد العليم أبو جهل
الذى يتدلى لسانه الطويل ويحمل فوق
صدره ميكرفون ، يتحنج بصوت عال
يملاً الصالة كلها ليلفت الانتباه إلى أنه

(سيتكلم)

أبو جهل : إخوانى .. يجب أن نعلم أننا نجتاز مرحلة
حرجة في تاريخ قريتنا ، إن ..

(أصوات تقاطعه من جميع جوانب
المسرح والمقاعد) .

اسكت ..

كفاية كلام .. من كثر ما تكلمت
سديت ودانا .. أبو لسان طويل اهوه ..

(المتهم الرابع عبد القوى قوى الذى
يحمل سوطا في يده ، يرفع السوط في

الهواء ، فيسكت الجمهور كله مرة
واحدة) .

عبد القوى : ما تخافوش .. أنا بس بافكر كم ..

أحد الحاضرين : ما خلاص .. راحت عليك ولا يهتمكم يا
جماعة ..

(الرجل الذى يمثل التاريخ يدخل ،

ويقف وراء المنصة ، ويصيح)

التاريخ : محكمة ..

(يسود الصمت على المسرح

والقاعة ، ويقف الحضور كلهم ، ويدخل

أعضاء المحكمة ويجلسون حول

المنصة)

رئيس المحكمة : بناء على ما سبق أن أعلنته المحكمة من

حيثيات تشكيلها ، وبما أن المستقبل هو

صاحب القضية ، وبما أن القضاة يمثلون

الجيل الذي لم يتعرض بعد للإغراءات

الذاتية الاستغلالية ، وبما أن إصدار تشكيل

المحكمة هو حق من حقوق المؤلف ،

لذلك فقد حكمت المحكمة برفض طلب

الرد المقدم من المتهم الأول ..

(تصفيق حاد)

رئيس المحكمة : (مبتسما) من حقكم الآن أن تصفقوا ،

لأن التصفيق الآن لا يعتبر رشوة ولكن يعتبر

إبداء رأى بالموافقة ..

(يتكرر التصفيق)

رئيس المحكمة : المدعى العام يتلو قرار الاتهام ..

(يقف المدعى العام وفي يده أوراقه)

المدعى العام : المتهم الأول أمر الله أبو الروس المسئول

عن مستقبل قرية التل الأخضر .. أنت متهم

بأنك طوال فترة تحملك المسئولية ألغيت

وأبعدت واضطهدت جميع العقول التي

يعتبر من حقها ومن واجبها أن تساهم معك

في بناء المستقبل ، وحضرت كل السلطات

في يد الثلاثة المتهمين معك وهم المتهم

الثاني عبد السميع أبو العينين الذي عهدت

إليه بمراقبة أهالي القرية ، والمتهم الثالث

عبد العليم أبو جهل الذي عهدت إليه بإلقاء

خطبة الجمعة وإذاعة كل ما يخص القرية من

أبناء تهم الأهالي ، والمتهم الرابع عبد
القوى قوى الذى عيسته شيخا للخبراء
(وسلمته جميع الأسلحة التى تملكها القرية
والتي تشمل عشر بنادق وعشرين طبنجة
(ومائة وخمسين سوطا من ذبول البقر ،
وكانت نتيجة حصر السلطات بين هؤلاء
الثلاثة دون أن يكون بجانبهم سلطات
للعقول المفكرة التى تستطيع أن تفكر
وتخطط وتبنى للمستقبل ، أن أسماء الثلاثة
استغلال السلطة من تحت السلطة الأكبر
التي تمثلها أنت .. ولذلك صدر قرار بأن
يتولى المستقبل التحقيق معك على أن تقوم
بهذا التحقيق هيئة قضائية علنية ، تتولى بعد
الانتهاء من التحقيق محاكمتك ، وذلك
طبقا للدستور الذى ينص فى المادة الخامسة
عشرة على أن يتولى المستقبل التحقيق مع

الحاضر ومحاكمته ، وهو الدستور الذى لم
ينته المؤلف من استكمال بقية مواده حتى
يعلمه .
(يضع المدعى العام أوراقه ويجلس)
(تنور همهمات ويخبط رئيس
المحكمة بالقدم الخشى) .
رئيس المحكمة : المتهم أمر الله أبو الروس .. ما هى
أقوالك ؟
أبو الروس : يا حضرات القضاة .. إن كل ما فهمته من
قرار الاتهام هو أنى منهم بأنى لم أشرك
العقول المفكرة فى المسؤولية .. فإذا كان
هذا هو كل الاتهام ، فإنى أستحلفكم بالله
وبحق مستقبل قرية النسل الأخضر أن
تخبرونى كيف يمكن تحديد أو اختيار
العقول المفكرة التى تحمل المسؤولية ..
وأنا واثق أن كل ما يمكن أن يخطر على

بالكم من وسائل .. سبق لى أن اتبعتها
ولجأت إليها .. ولعلكم تعلمون أو على
الأقل مؤلفكم يعلم أنى عندما وجدت نفسى
مسئولا ، أو حتى أكون أكثر صراحة ،
عندما جعلت نفسى مسئولا ، بدأت
بمحاولة الاعتماد على العقول المفكرة فى
القرية ، وقضيت أياما وشهورا وأنا أضيق
وقتى فى مناقشات لا تنتهى مع البارزين فى
قريتنا من الشيوخ والشباب .. وخيب أملى
أن كلا منهم كان يتحدث عن نفسه ، وعن
أحلامه بالنسبة لنفسه .. كلا منهم بلا
استثناء كان يبدأ المناقشة بسرد طويل
لتاريخه فى القرية ، ثم ينتقل إلى محاولة
وضع نفسه فى مركز من مراكز السلطة ..
كلا منهم يبدأ وينتهى حديثه بكلمة أنا ..
أنا .. أنا .. كلهم أنا ، وبعد أن يثبت

قررت ألا يكون فى القرية إلا أنا واحد ..
وهو أنا ..
المدعى العام : أى أنك تعترف بأنك استأثرت بالسلطة ..
أبو الروس : إنه ليس استئثارا بالسلطة ولكنه نتيجة حتمية
لعملية اختيار العقل المسئول .. لقد كنت
أقارن بين عقلى وعقل كل من اجتمعت
بهم ، فأجد عقلى يتجه إلى أبعد بكثير مما
تتسع له عقولهم ، إلى درجة أن ليس هناك
عقل يستطيع أن يرتفع إلى مستوى عقلى
ليعاوننى فى تحمل المسئولية ، والدليل أن
هذه العقول ذاتها كانت موجودة فى القرية
من قبل أن أتحمل المسئولية .. فمن الذى
قاوم العمدة السابق واستطاع أن يخلص
القرية من مظالمه وجشعه ؟ عقلى أنا ..
ومن الذى قاوم الإغراءات الكثيرة التى كان
العمدة السابق يغرى بها كل من يقترب

.. هناك أنا ؟ أنا .. عقلى أنا .. ثم من الذى استطاع أن يصل إلى المسئولية .. ففلسفات .. وتحملها ؟ عقلى .. لو كان هناك عقل قيمته غصبت هذا آخر أذكى وأنبه من عقلى لكان صاحبه اليوم نيكاً بطلاً .. هو الذى يتحمل مسئولية القرية وأراحنى .. شعبيته .. فهو ليس استثناء بالسلطة ولكنها مجرد لغة يشترطها .. مقارنة بين مستوى عقول أهل القرية .. ثالثة ربما أنا ؟ وهذا العقل الذى تخلص من الماضى ، رفاقته .. وتحمل الحاضر ، هو الذى يستطيع أن يبنى نأياً رابداً .. المستقبل .. إن عيبك أنك تربط العقل بالسلطة .. المدعى العام : وما هو الفرق ؟ أبو الروس : الفرق أن العقول تختلف فى .. اختصاصاتها .. إن عقول الناس كالزخارف يتلذذون كوجوههم .. كل وجه له شبه خاص ، يستقر .. يميزه ويعرف به ويحدد شخصيته ،

وكذلك كل عقل له شبه أو قدرة خاصة تميز صاحبه ، حتى لو افترضنا أن مستوى نضج وثقافة كل العقول واحد .. فالعقل الذى يستطيع أن يمارس الطب مثلاً غير العقل الذى يستطيع أن يمارس الميكانيكا ، وغير العقل الذى يستطيع أن يمارس فن الرقص .. وكذلك العقل الذى يستطيع أن يمارس التخطيط .. إن بناء القرية كبناء العمارة ، عقل المهندس المعماري يخطط ويرسم ، وعقل المقاول ينفذ الخطة والرسم اللذين وضعهما العقل الأول . وأنت مسئوليتك فى القرية هى مسئولية المقاول الذى ينفذ الخطة ، ولكنك جعلت من نفسك مهندساً ومقاولاً .. استأثرت لنفسك بوضع الخطة وتنفيذها .. أبو الروس : مقاول يعنى إيه ؟ يعنى أن أوقف تفكيرى

المدعى العام : لا .. إن المقاول ينفذ الخطة بعد أن يناقشها مع المهندسين .. وإذا وضع هو هذه الخطة فهو يعرضها أولا على المهندسين ..

أبو الروس : لقد قلت لكم إنى حاولت الاستفادة من عقول القرية ، فلم أجد العقل الذى يفيدنى ..

المدعى العام : لأنك أنت الذى كنت تختار العقول التى تناقشها ، وتدعوها إلى مقر السلطة لتجتمع بك .. وهذا هو ما كان يعد عنك بقية عقول القرية ، وهذا ما كان يجعل السلطة هى التى تسيطر على انطلاق كل عقل ..

أبو الروس : وماذا كان يمكن أن أفعل ؟

المدعى العام : كان يجب أن تترك الناس تتكلم بلا دعوة منك .. من السلطة .. يتكلمون فى الحوارى وفوق المضاطب ..

أبو الروس : هل تعتقد أن كل عقول أهل القرية فى مستوى عقول المهندسين الذين يضعون الخطط ؟

المدعى العام : إذا لم يكونوا مهندسين ، فهم أصحاب ملك .. أصحاب الأرض .. وصاحب الأرض هو الذى يحدد للمهندس ما يريد ..

أبو الروس : صدقونى .. إن أهل القرية كلهم يتكلمون .. وقد كان أول مسئوليات عبد السميع أبو العينين ، هى أن يسمع ويرى كل ما يقال ويحدث فى القرية لينقله إلى بالنص .. يوما بيوم .. وصدقونى إنى إلى اليوم لم أجد فى كل ما يقال اقتراحا لعمل جديد ، أو حلا لمشكلة من المشاكل .. أبدا .. كله نقد .. وسخط .. كلام .. مجرد كلام لا يؤدى إلى شيء .. طيب يا (لا أستطيع ..)

ناس عايزينى أعمل إيه ؟ ما تقولوا ..
 سمعوني ..
 المدعى العام : إن مجرد الكلام .. أقصد مجرد المعارضة
 وعدم الرضاء ، يؤدى إلى اكتشاف أوجه
 الإصلاح وطرق التقدم .. ثم إنك نسيت
 شيئا .. لقد كانت مسئولية عبد السميع أبو
 العينين ، أن ينقل إليك كلام الناس ، ولكن
 كانت أيضا مسئولية عبد القوى قوى هى أن
 يضرب كل من يقول كلاما لا يعجبك ..
 وقد ضرب أفرادا كثيرين من أهل القرية ،
 حتى كف الناس كلهم عن الكلام خوفا من
 عبد القوى قوى ، وبدعوا يكتفون
 بالهمس ، ولكن عبد السميع أبو العينين
 كان يستطيع أيضا أن يصل إلى الهمسات ،
 فكف الناس عن الهمس ، بل كفوا أيضا عن
 الاجتماع بعضهم وبعض .. انظر إلى

مصاطب القرية التى كانت تزدحم كل مساء
 بالأهالى يتكلمون ويضحكون ، لقد مضى
 عليها ليال طويلة وهى خالية ..
 أبو الروس : لم أضرب أحدا لأنه تكلم .. اللى انضربوا
 هم من كانوا يسعون إلى خراب البلد ..
 كانوا يكذبون على الناس ليشكلوا منهم
 عصابات يقودونها للاستيلاء على
 السلطة .. ثم كيف تريدون أن أتحمل
 مسئولية القرية ؟ أسيب اللى عايز ياكلنى
 ياكل .. وليس هناك إنسان واحد يستطيع
 أن يحمل المسئولية وحده .. كان لازم
 يكون لى أدوات .. لازم يكون لى واحد
 يسمع لى بودانه ، وواحد يتكلم لى
 بلسانه ، وواحد يضرب لى بإيده .. ودول
 كلهم مش علشان يحمونى ، إنما يحموا
 القرية .. لو كنت عايز أحمى نفسى كنت

سبب التل الأخضر ورحلت قعدت في البندر
ولا في المديرية ..

المدعى العام : قلت إنه كان لك من يسمع لك ، ويتكلم
لك ، وبضرب لك ، وكأنك تعترف بأنه لم
يكن لك أحد يفكر لك ، أو على الأقل يفكر
معك ..

أبو الروس : لم أكن في حاجة إلى عقل بجانب عقلى ..
كنت أتحمّل مسؤولية التفكير وحدى ..
وقادر عليها .. إنكم تنسون .. تنسون كل
ما فعلته للقريبة .. تنسون أنى أنا الذى
أدخلت أول سيارة فى عمر التل الأخضر ..
(مهمة بين الحضور ، ويخبط رئيس
المحكمة بالقدوم فيسكت الجميع)

المدعى العام : هذا هو أحد الأخطاء التى وقعت فيها
ويشملها قرار الاتهام .. فلأنك لم تستعن
بمعول تفكر معك ، فقد انقذت وراء

استكمال المظاهر الكاذبة على حساب
المصالح الحقيقية .. واستوردت سيارة ..
ثلاث سيارات .. ولكنك قبل أن تستوردها
وتدفع الثمن الغالى من فلوس الناس لم تفكر
فى أن هذه السيارة تحتاج إلى طريق واسع
مسفلت فى القرية ، وتحتاج أيضا إلى
سفلتة وتوسيع كل حوارى وأزقة القرية ..
والى الآن ليس فى القرية كلها شارع ممهد
مسفلت يصلح لمرور السيارات .. وكانت
النتيجة أن هذه السيارات لم تعد تصلح
للاستعمال إلا فى المسافة بين بيتك والسكة
الزراعية . وهى مسافة مترية مليئة بالطين
والمطبات ، فأصبحت تضطر إلى إصلاح
السيارات بين كل أسبوع وآخر ، وتدفع
إصلاحها مزيدا من أموال الناس ..
وثانيا .. لقد استوردت هذه السيارات دون

أن يكون بين أهل القرية من يجيد قيادة سيارة .. وكانت النتيجة أنك استأجرت سائقين من المديرية ، وعلاوة على مرتباتهم العالية التى يتقاضونها فقد جاء كل منهم معه بعائلته .. ثم بدأ يتوافد على القرية أقرباؤهم ، وكل منهم يبحث عن وسيلة لكسب المال .. أحدهم افتتح مقهى .. أول مقهى فى تاريخ القرية .. وثان تزوج بهانة بنت عشاوى وسيطر على القرارات الثلاثة من الأرض التى ورثتها عن والدها .. إلى آخره .. فكانت النتيجة هى تزايد عدد سكان القرية على حساب مصالحها .. ثم ثالثا .. ماذا فعلت بالسيارات الثلاث .. إن سيارة منها خصصتها لنفسك ، والسيارة الثانية خصصتها لنقل الضيوف الذين لا تكف عن دعوتهم وتنقل معهم احتياجات

الحفلات والولائم التى تقيمها ، ثم السيارة الثالثة التى كان المفروض أنها سيارة لورى لنقل لإنتاج القرية ، استولى عليها عبد السميع أبو العينين وعبد القوى قوى وعبد العليم أبو جهل يتبادلون استخدامها بحجة متطلبات العمل ..

(تصفيق من جميع الحضور)

(رئيس المحكمة يخطط بالقدوم على حافة المنصة بعنف)

رئيس المحكمة : إن المحكمة تأمر بعدم التصفيق .. ضعوا أنفسكم فى موضع دراسة كل ما تسمعون به إلى أن ينتهى .. والدراسة تتطلب الهدوء .. وأما تصفيقكم فهو يعبر عن الشتمة .. والشتمة يمكن أن تكون جريمة يعاقب عليها كجريمة النفاق ..

(يسود الصمت)

أبو الروس : طبعاً كل الناس شعثانة .. يا عالم .. هل
إدخال السيارات إلى القرية للارتفاع بها إلى
مستوى المدنية والحضارة يعتبر جريمة أو
خطأ ..
المدعى العام : (وكأنه لم يسمعه) وموضوع السيارات
يدفعنا إلى موضوع المطعم الذى أقمته على
حافة الطريق الزراعى وأسميته « برج النل
الأخضر » .. إن تكاليف إنشاء هذا المطعم
كانت تكفى لبناء مدرستين ، تنقذ البلد من
الأمية .. والمطعم لا يجذب إلا عدداً ضئيلاً
جداً من الزبائن رغم الفطير المشلتت ،
والحمام المحشو بالفريك الذى اشتهرت به
القرية .. وأيام عديدة تمر دون أن يدخل
زبون واحد .. فينقل الأكل والحلويات إلى
بيوت معروفة فى القرية ..

أبو الروس : يعنى مش عايزين تبقىوا زى أوروبا .. ده

مستر فاناتيلىك بتاع الآثار اللي جاي من
أمريكا قال لى إن كل قرية هناك بها مطعم
لخدمة العارين بالطرق الزراعية . الحق
على .. خليككم زى ما انتم ..
المدعى العام : إذا كنت عايز تبقى زى أوروبا كان لازم
تستنى ميتين سنة ، وهو فرق الحضارة بيننا
وبينهم ، والحضارة ليست فى الفرق بين
مستوى العقول ، ولكن كل حضارة هى
شخصية قائمة بذاتها .. وكل شخصية لها
احتياجاتها الخاصة .. يعنى لو كانت
حضارة أوروبا محتاجة برج زى برج إيفل
ويضم مطعمها ، فقد تكون الحضارة
الروسية لاتحتاج إلى هذا البرج .. ولكنك
كنت مجرد مقلد ، لدرجة أنك قبل زيارة
مستر مكنتوش للقرية أمرت كل الفلاحين
بأن يلبسوا بنطلونات ، وذهبوا إلى الحقل

البنطلون فكانت النتيجة أن عادوا وكل
البنطلونات مفرقة بالطين والماء وممزقة ..
الجلابية هي التي تنفع لأن الفلاح يقدر يرفع
ذيلها ويعلقه في صدره ويشتغل في الطين
برجليه وبعدين يغسل رجليه والجلابية لسه
نظيفة .. شوف في الهند مثلا .. ما لبسوش
بنطلونات لأن الزى بتاعهم هو اللي بينفع مع
جوههم وشغلهم .. اللي عاوز يلبس يلبس
زى ما يعجبه ، إنما ما يقاش أمر من السلطة
يلبسوا بنطلونات .. أنت حاولت تقلد
كمال أتاتورك اللي حرم الزى التركى
الوطنى وفرض الزى الغربى ، وضع
الشخصية التركية .. ثم إنك أمرتهم بلبس
البنطلونات ونسيت تلبسهم جزم مع إن اللي
يلبس بنطلون فى أوربا يلبس معاه جزمة ..
وكسنت النتيجة أن فشل مشروع

البنطلونات ..
أبو الروس : الحق على .. كان لازم أمر الناس انها
تعيش عريانة علشان الهدوم لا تتسخ ..
المدعى العام : (وكأنه لم يسمعه) مستر مكتوش باع
لك وابور حرثة .. ولا شك أن وابور
الحرثة هو من الآلات الزراعية الهامة ..
ولكن ما مدى حاجة القرية إليه .. إن عدد
أهل القرية كان يكفى لحرثها ، وبعد آلة
الحرثة تعطل معظم أهل القرية فترات أطول
عن العمل .. وتعطل بجانبهم البقر
والجاموس .. وكان يجب قبل أن تشتري
آلة الحرثة أن تدبر لمن ستعطلهم هذه الآلة
عن العمل الذى يعرضهم ويعرض القرية
عن استغلال طاقتها البشرية ، ثم كان يجب
أن تفكر فى استغلال الطاقة الحيوانية أى
البقر والجاموس بإنشاء مصنع ألبان مثلا ..

ولكنك لم تفكر في شيء من هذا ، بل وضعت مشروعا لإنشاء مصنع دبابيس .. كل همك المظهر ، وكنت تريد أن تتظاهر بأن قرية التل الأخضر هي قرية صناعية .. لا .. إنها ستبقى دائما زراعية .. هل تعرف ما حدث في جزيرة كوبا .. إن كوبا جزيرة زراعية أيضا . ولكن ركبها الغرور وتقليد المظهر وقررت أن تصبح جزيرة صناعية ، وكان أول مصنع أقامته هو مصنع لإنتاج آلات الكتور .. أى عدادات النور والمياه .. وبعد سنوات اكتشفت أن صناعية العداد الواحد يكلفها ثمن عشرين عدادا من العدادات التي كانت تستوردها من فرنسا .. واكتشفت أنها إذا استغنت عن استيراد العدادات فهي مضطرة إلى استيراد الخامات التي تصنع منها العدادات ،

وكانت النتيجة أن أغلقت المصنع الذي أقامته وعادت تستورد العدادات من فرنسا .. والحمد لله أن هذا التحقيق قد بدأ قبل أن تبدأ في إنشاء مصنع الدبابيس .. أبو الروس : كيف نتقدم إذن .. كيف نرفع المستوى الحضارى والإنتاجى .. المدعى العام : نتقدم أولا ببلد زراعى ، والفائض من الإنتاج الزراعى بعد استكماله فى كل الأرض . نستغله فى الصناعة الزراعية ، استغلالا لا يقوم على توفير الاستيراد من الخارج كمظهر وطنى فحسب ، إنما يجب ألا تزيد تكاليفه عن تكاليف الاستيراد من الخارج .. المسألة ليست مجرد مظهر وغرور وطنى ومحاولة اكتفاء ذاتى .. المسألة مسألة عقل حسابى ، وليس هناك قرية فى العالم كله يمكن أن تكتفى اكتفاء

ذاتيا . تمكينا للتلاصق من هذا بل
أبو الروس : يعنى أهل البلد يسيبونها علشان يشتغلوا فى
المصانع اللى فى المدينة .. أسبيهم يهاجروا
ولا أعمل لهم مصانع هنا ...
المدعى العام : إتهم يهاجرون لأن العمل الزراعى ضيق
وليس مستكملا .. لو أنك عملت على
توسيع الرقعة الزراعية ورفعت من دخل
الفلاح كما حدث فى يوغسلافيا لعاد الناس
إلى القرية وتمسكوا بها ..

(رئيس المحكمة يخطط بالقدوم)

رئيس المحكمة : أرجو عدم الدخول فى المناقشات الآن ..
وأطلب من المدعى العام أن ينتقل إلى النقطة
التالية من قرار الاتهام .

المدعى العام : المتهم أمر الله أبو الروس حاول فرض نفسه
كفتوة على المديرية كلها وأن يتدخل فى
شئون كل القرى المجاورة .. ودون أن

يستشير العقول التى يمكن أن تحسب له
حساب كل خطوة ، سلط عبد السميع أبو
العنين ليجمع الأسرار الخصوصية لكل فرد
فى كل قرية ، وسلط عبد العليم أبو جهل
لينشر الإشاعات التى تثير الفتن فى القرى
المجاورة ، ثم سلط عبد القوى قوى
ليضرب كل من يقاومه أو يرفض الخضوع
لأمره .. كان أمره كاسمه هو أمر الله ..

أبو الروس : (محتلا) إنى أرفض هذا الأسلوب فى
توجيه الاتهام .. إن المستقبل يتهم دون أن
يدرس واقع الحاضر .. إن هذه العائلات
التى تعيش فى القرى المحيطة بالنل
الأخضر ، كانت تحاول أن تخرب بيت
النل الأخضر ، وكانت تتآمر على لتخلص
منى لمجرد أن بدأت فى إنشاء عالم جديد
يخافون أن يكتمل .. هل كنتم تريدون أن

أتركهم يحطمون بلدتنا .. أين المستقبل
الذى تمثلونه وتحدثون باسمه .. إن
المستقبل لا يبنى بالكلمات بل يحتاج أولا
إلى القوة وإلى الضرب حتى يمهد لنفسه
الطريق ..

المدعى العام : هذا كلام يعبر عن رأيك وحدك .. ولكن
العقول المحيطة بك كانت تعلم أن كثيرا من
القرى التى ضربتها لم تكن تستحق
الضرب .. ثم إن المستقبل قبل أن يضرب
يعتمد على تقوية العلاقات الخاصة التى
يمكن أن تغنيه عن الضرب .. ثم قبل أن
يضرب أن يبنى نفسه ويبنى قوته بحيث
يكون مجرد خوف أعدائه منه كفيلا بأن
يغنيه عن الضرب .. ولكنك بدأت تضرب
قبل أن تتم بناء القرية فكان من السهل على
أى عائلة مجاورة أن ترد ضرباتك .. وأخيرا

فإنك حاولت أن تضرب شركة أمريكانوف
التي تملك المصانع المجاورة ، وكانت
النتيجة أن سلطت عليك عصابة
الإسماعيلية وخربت بيتنا ، ولو أنك سألت
واستشرت فربما عرفت أنك لو تفرغت لبناء
القرية أولا إلى أن تحقق كل أحلامها
لأفلست شركة أمريكانوف من تلقاء نفسها
وتخلصت منها المديرية كلها .. ولكنك لم
تستشر أحدا ..

أبو الروس : حتى دى .. يا عالم أمريكانوف كانت
بناكلنا وكان لازم

(رئيس المحكمة يخطب بالقدوم فى
حدا)

رئيس المحكمة : ليس هذا وقت النقاش .. المتهم عبد
السميع أبو العينين ما هى أقوالك ؟

عبد السميع : أنا ماليش دعوة .. أنا عبد المأمور ...
(لا أستطيع ..)

شغلنى أسمع واشوف .. وانتقل الى اسمعه
 المدعى العام : إن تهمتك أنك كنت تنقل أخبارا كاذبة ،
 وكنت تخفى أخبارا أخرى .. وكانت لك
 دوافع شخصية تدفعك إلى أن تؤذى بعض
 الناس عن طريق تسليط أبو الروس عليهم ..
 عبد السميع : صدقونى .. لا أحد يستطيع أن يعرف
 الكذب من الصدق .. أعرفه ازاي .. كله
 كلام .. كان أبو الروس هو الذى يقرر فين
 الكذب وفيه الصدق .. أنا نفسى ما كنتش
 أعرف .. صحيح كان فيه ناس اعرف ان ابو
 الروس يكرههم وعازب يخلص منهم ،
 وكنت انقل له أخبارا عنهم تودبهم فى
 داهية ، ما كنتش استجرى انى أنقل له
 أخبارا تغيدهم أو تؤيد مواقفهم أو تبرأهم ،
 كان أبو الروس دبحنى وخلص منى قبل ما

يخلص منهم ..
 رئيس المحكمة : المتهم عبد العليم أبو جهل .. ما هى
 أقوالك ؟
 أبو جهل : أنا لسان .. مجرد لسان .. ما ليش
 عقل .. العقل هو ابو الروس ، كان هو الذى
 يفكر ويخطط أفكاره على لسانى ..
 رئيس المحكمة : المتهم عبد القوى قوى .. أقوالك ؟
 عبد القوى : أنا الذراع .. والذراع ما يتحركش
 لوحده .. لازم صاحبه يحركه .. وأنا
 صاحبى هو ابو الروس .. أنا بتاعه .. ما
 أقدرش اتحرك إلا بأمره .. ده رصاص الكام
 بندقية والكام طبنجة كان بيثيله عنده فى
 الخزانة ما يطلعوش الا لما يأمرنى
 بالضرب .. وبعد الضرب يلم الرصاص الى
 فاضل ويرجعه الخزانة .. ما كنتش فى إيدى
 حاجة إلا انى أنفذ الأوامر ...

(أبو الروس ، وقد بدأ يتهار ،
وعلامات السخط والقرف تبدو على
وجهه ويتلفت إلى الثلاثة المتهمين
معه كأنه يهم أن يصق في وجوههم)

أبو الروس : حتى انتم ... انتم يا من خلقتكم من
العدم .. لا أمان حتى للمخالقين (يلتفت إلى
رئيس المحكمة ويتكلم في صوت ضعيف
متواضع)

أبو الروس : سيدي الرئيس .. هل من حق أن أتكلم ،
أقصد أن أسأل سؤالاً لا يريدني حتى أريح
معنى المستقبل الذي يحاسبني ؟

رئيس المحكمة : تكلم ..
أبو الروس : أريد أن أسأل .. هل أنا متهم في وطنيتي ..
في غيرتي على قريتي ..

رئيس المحكمة : لا .. ليس هذا في قرار الاتهام ..

أبو الروس : هل أنا متهم بسرقة أموال القرية ..

رئيس المحكمة : لا .. إن الاتهام ينحصر في إساءة استغلالك
لشعورك الوطني وإساءة استغلال أموال
القرية ، وكل إمكانياتها البشرية
والاقتصادية ..

أبو الروس : والسبب كما فهمت من كلام المدعى العام
هو عدم اعتمادى على العقول المفكرة في
القرية ..

رئيس المحكمة : هذا صحيح ..

أبو الروس : إذن فأنا أعترف بذنبي .. وأرجو من
المستقبل أن يضع لى خطة وتنظيم وسائل
الاعتماد على العقول المفكرة ..

رئيس المحكمة : هذا يأتي مع إعلان الحكم .

(يتشاور رئيس المحكمة مع عضو

اليمين وعضو اليسار ، ثم يخط بالقدم

على حافة المنصة)

رئيس المحكمة : ترفع الجلسة للمداولة ..

(تقوم هيئة المحكمة وتخرج من
المسرح ، وترتفع أصوات عالية في كل
مكان ، بينما يجلس المتهمون الأربعة على
المقاعد المخصصة لهم خلف القضبان)

أحد الحضور : دول حايرو حوا في داهية .. مؤكّد
رقة فيهما رايهما إعدام .. الشما مديرة الترسر يلفت إلى

أحد الحضور : والله عرف يتكلم .. في صوت جعدي

أحد الحضور : يا جماعة حرام عليكم .. ما تنسوش انه

رقة فيهما .. عمل كثير .. احنا فين وبقينا فين ..

أحد الحضور : احنا مطرح ما كنا ..

أحد الحضور : سمعتم أبو العينين قال إيه ... ولا ابو

رئيس المحكمة جهل .. ولا عبد القوى .. اشمعنى ما

يقتدوه في كلامه قالوش الكلام ده قبل كده ..

(يدخل التاريخ ويقف خلف المنصة)

التاريخ : محكمة ..

(يقف المتهمون والحضور في صمت

رئيس المحكمة وترقب ، ويدخل أعضاء المحكمة
كلهم على مقاعدهم فيجلس كل من
في المحكمة)

رئيس المحكمة : (بعد أن يخط بالقُدوم) بما أن أبو الروس

فيها رايها فقال هو العضو الأساسي الذي يمثل الحاضر ،

رقة فيهما .. رقة فيهما .. وبما أن المستقبل لا يستطيع أن يعد نفسه

رقة فيهما .. لتحمّل المسؤولية إلا إذا اعتمد على

قائمة رقة فيهما .. الحاضر ، كما أن الحاضر لا يستطيع أن

يقوم بواجبه نحو المستقبل إلا إذا اتخذه

رقة فيهما .. أساسا مسيطرا على تفكيره ، لهذا وبناء عليه

رقة فيهما .. فقد قررت المحكمة :

أولا - اعتبار هذه المحكمة قائمة

ومستمرة يوميا طوال السنوات العشر

القادمة ابتداء من اليوم ، وهي الفترة التي

يكون بعدها المستقبل قد أصبح حاضرا

(رقة فيهما ..) يتحمّل المسؤولية إزاء المستقبل الأجد ..

ثانياً — يفرض على الحاضر ألا يتخذ أى قرار أو يتحرك أى حركة فى شئون القرية إلا بعد العرض على المستقبل والحصول على موافقته ..

ثالثاً — فى حالة مخالفة الحاضر لهذه الأحكام يعزل عن المسئولية فوراً ، ويطبق عليه القانون رقم ١٨٦٧ الذى يقضى بالإعدام أو بالأشغال الشاقة المؤبدة فى حالة الاعتداء على المستقبل .

رابعاً — إذا عزل جيل الحاضر عن المسئولية يتولى المستقبل المسئولية فى الحال حتى مع صغر سن الجيل الذى يحمل مسئوليته ، وعدم استكمالهم لدراساتهم وتجاربهم مع الواقع ..

انتهى الحكم ..

(تصفيق حاد من جميع الحاضرين)

(أبو الروس يستمر ويحيى المصفيين)

أحد الحاضرين : احنا بنصفق للمستقبل مش لك ..

رئيس المحكمة : توقف الجلسة على أن يستمر انعقاد المحكمة فى دار المسئولية ..

(التصفيق يستمر ، وبدأ أعضاء المحكمة فى الخروج) .

المشهد الثاني

(دار المسئولية)

(الجدران من الطين اللبن كيبوت
الفلاحين ، معلق عليها صور وتحف أجنبية
تمثل كل مراحل التاريخ ، وفي ركن من
الدار يوجد زير ماء ومجموعة قفل
قناوى ، وبجانبه ثلاثة كهربائية وفوقها
« ترمس » مما يحفظ به الماء ، والأرض
مفروشة بالحصير البلدى وفوقها قطع
أثاث من طراز لويس الرابع عشر ، وكنبة
اسطنبولى ومقاعد من الخشب والقش
كالمقاعد التى تستعمل فى المقاهى
البلدية)

(أمر الله أبو الروس يجلس وقد تغير
الزى الذى يلبسه وأصبح جلبابا بلديا مما
يلبسه أثرياء الريف وفوق رأسه طاقية
بلديه)
(يقف حول أبو الروس الثلاثة الذين
يحملون معه المسئولية وكانوا متهمين معه
وقد تغير شكل كل منهم)
(عبد السميع أبو العينين ، أصبح
الرأس الذى يحمله فوق كتفيه ليس فيه إلا
عينان اثنتان وأذنان اثنتان)
(عبد العليم أبو جهل قطع لسانه
الطويل ولم يعد له إلا لسان تبرز حافته من
شفثيه وقد أخفى الميكروفون الذى كان
يعلقه على صدره ، وأصبح يمسك فى يده
قلما طويلا ورزمة من الأوراق البيضاء)
(عبد القوى قوى يلبس لباس شيخ

الخفراء ولكنه لا يحمل سلاحا ، بل
يحمل كتابا ضخما) .

(الثلاثة يدو عليهم التعاسة والسخط ،
وأبو الروس يجلس وعلى شفثيه ابتسامة
ضعيفة خبيثة كأنه يخفى بها ذكاءه) .

عبد السميع : أنا خلاص .. ما بقتش اسمع ولا اشوف ..
أنا وأى فلاح ما يساويش بقينا زى بعض ، ما
اشوفش إلا اللي يشوفه ولا اسمعش إلا اللي
يسمعه .

أبو الروس : بس الناس اتغيرت يا عبد السميع .. دلوقت
الناس بتتكلم على كيفها ، وتعمل اللي هي
عايزاه .. تبقى مش محتاجة لأكثر من عينين
اتنين وودنين اتنين علشان تعرف يقولوا إيه
وبيعملوا إيه .

عبد السميع : مش ممكن .. الناس مهما ادينا لها حرية
الكلام حايفضل فيه كلام ما نسمعوش ..

كلام فى السر .. وتحركات فى السر ..
وسياذتك عارف كده بس بقيت بتخبي ..
زمان الناس كانت هي اللي تخبي .. دلوقت
الحكام هم اللي بيخبوا ..

أبو جهل : يخبو ولا ما يخبوش .. أنا خلاص ما بقاليش
صوت .. قال إيه اللي اقله لازم اكتبه ..
أكتب لمين .. أكتب لناس ما تعرفش
تقرا ..

أبو الروس : لازم تكتب .. علشان اللي تقوله وتكتبه
يتحسب عليك .. يسجل فى خزينه
المستقبل ..

أبو جهل : أنا مالى ومال المستقبل .. وإيه عرفنى
بالمستقبل .. الناس بتتكلم ولازم الحاكم
يبقى له واحد يتكلم بصوت أعلى من صوت
كل الناس .. واللى صوته يعلى عن صوت
الحاكم .. يعنى عن صوتى .. نقطع

.. لسانه .. إنما لسانى أنا الذى انقطع ..
 .. وميادتك راضى وساكت .. صدقنى أنا
 .. خائف عليك وعلى نفسى ..
 أبو الروس : (مبتسما فى مرارة) : ما تخافش ..
 اطمئن ..
 عبد القوى قوى : وأنا قال إيه لازم اعيش بين صفحات
 كتاب .. كتاب الدستور والقانون
 الجنائى ، والتخطيط البوليسى
 والعسكرى .. أعمل إيه بده كله .. دى
 كانت البندقية فوق كتفى هى الدستور ..
 وكان الخنجر الذى اعلقه فى وسطى هو
 القانون ، وكانت مشيتى فى البلد هى
 لوحدها الخطة التى بافرض بيها الذى أنا
 عايزه .. دلوقتى خلاص .. راحت عليك يا
 عبد القوى .. يعنى لو واحد من الأهالى
 حط سكينه على رقبتى لازم أترجاه انه

يستنى على شوية قبل ما يخلص على ، لغاية
 .. ما اشوف الدستور والقانون يقولوا إيه ..
 البلاد التى حوالينا كلها بقت بتضحك
 علينا ، وأنا من يوم حكاية المستقبل دى وأنا
 .. لما اقدوش أنيب بلدنا .. انكسف اوصل
 لغاية السكة الزراعية .. كل ما حد يفوت
 على ويشوفنى شايل كتاب يسخسخ من
 الضحك .. خلاص .. لم تعد لنا قيمة فى
 المديرية ..
 أبو الروس : مش كده يا عبد القوى .. احنا اترقينا ..
 الدستور والقانون زى ما يحموا الناس من
 الحاكم يحموا الحاكم من الناس .. يعنى
 يحموا الناس منك ويحموك من الناس ..
 والتخطيط يعنى تفكر قبل ما تضرب ..
 ومن يوم ما ابتدينا نفكر ما ضربناش .. ما
 غلطنناش .. إنما لو حد غلط فى حقنا

التخطيط يقول لك اضرب .. الناس ما
بتضحكش علينا يا عبد القوى .. الناس
بقت مطمئنة لنا علشان كده بتضحك لما
تشوفنا بعد ما كانت بتشتبنا ولا تجرى من
قدامنا علشان خايفة منا ..

عبد السميع : وآخرتها .. يعنى كلها سنة أو اثنين ويبقى
اللى يسموهم المستقبل هم اللى ماسكين
البلد .. ونروح احنا فى داهية .. يقعدونا
فى بيوتنا زى الفراخ ..
(أبو الروس يكفهر وجهه ويلقى رأسه
على كتفه وهو يتهد فى أسى)

أبو الروس : ده صحيح ..
(فترة صمت والثلاثة ينظرون إلى أبو
الروس) ..

عبد السميع : (فى صوت خفيض) تسمح لى سيادتك
اقترح خطة ..

أبو الروس : اقترح يا عبد السميع ..
عبد السميع : انت بتعزم الثلاثة بتوع المستقبل كل يوم
على الغدا بعد انتهاء اجتماع لجنة
التخطيط .. خلاص .. يتغلبوا ولا يقوموش
من الغدا اللا على القبر .. الولية ام قويق
عندها حنة تنحط على الفطيرة ، وهى
الحنة .. أول ما تقرب على اللسان يبقى
اللسان وصاحبه فى رحمه الله .

أبو الروس : (ساخرا) الكلام ده ما بقاش ينفع اليومين
دول يا عبد السميع .. ده كان زمان .. أيام
محمد على والممالك لما دعاهم يتعشوا
عنده وخلص عليهم ..

عبد السميع : ومحمد على ماله .. ده وصل بينا
للأناضول ..

أبو جهل : بلاش دى .. خصوصاً إن الولية ام قويق ما
تسترش .. إنما فيه طريقة تانية .. الثلاثة كل
(لا أستطيع ..)

يوم يركبوا مركب في التربة .. قال إيه
 يلفوا على السواقي .. خلاص .. المركب
 غرقت .. واحنا مالناش دعوة ..
 عبد القوى : صدقوني .. سيوني عليهم .. رجعوا الى
 سلاحى ، ومنش حاتلاقوا واحد من بتوع
 المستقبل دول له قيمة فى البلد ..
 أبو الروس : (فى مخطط وقرف) كفاية .. انتم
 بتفكروا زى ما تكونوا عايشين فى العصر
 الجاهلى .. قلت لكم الكلام ده ما بقاش
 ينفع اليومين دول .. الناس خلاص أخذت
 على المستقبل يحاكم الحاضر .. معنى لو
 جرى للثلاثة دول حاجة ، حايقوم
 المستقبل ويحاكمنا من جديد ، ومين
 عارف حايجكم بإيه .. والمستقبل طول
 العمر عايش .. وإذا سكت ما يموتش ..
 الثلاثة المسئولون : طيب نعمل إيه ؟

أبو الروس : سيولى أنا الحكاية دى .. مالكمش دعوة
 بيها ولا تفكروا فيها ..
 الثلاثة المسئولون : سبنا لك ..
 (يدخل الشبان الثلاثة الصغار الذين
 تولوا المحاكمة ، ويدو عليهم الجهد
 وآثار الأتربة ، دليلا على أنهم عادوا من
 عمل شاق)
 (أبو الروس يستقبلهم فى احترام
 محفظا بشخصيته كاملة محترمة)
 (الثلاثة المسئولون يستقبلونهم فى
 الحناءات كبيرة ، وحركات صارخة من
 حركات النفاق)
 أبو الروس : صباح الخير يا اولادى ..
 الثلاثة : صباح الخير ..
 أبو جهل : يا صباح الإشراق على نور التقدم وطلعة
 الطموح وجلال المستقبل ..

عبد السميع : يا صباح العمل في سبيل نصره التل
الأخضر ، وسعادة أبنائه ..

عبد القوى : يا صباح الحق والعدل والدستور والقانون
والتخطيط ..

(الثلاثة الصغار لا يردون التحية)

(ترتفع هتافات قوية من الخارج)

— يعيش المستقبل ..

— بناؤها هم آمالنا ..

— العمل الشاق ولا العودة إلى الوراء ..

(أبو الروس يشير إلى الشبان الثلاثة

ليتقدموا ويحيوا الجماهير من النافذة ..)

(يتقدم الثلاثة وهم يتزاحمون بعضهم

ببعض وكل منهم يحاول أن يصل إلى سور

النافذة . ويصل واحد منهم إلى السور

متوسطا زميليه ويصبح أبرزهم أمام

الجماهير وبعد أن يحيى ، يزيحه زميله

ويقف مكانه ويحيى ، ثم يتقدم الثالث

ويزيح زميليه بكتفه ويقف مكانه

ويحيى .. ثم يعود الثلاثة بعيدا عن

النافذة ، وتسكت الهتافات)

أبو الروس : لقد تعودت الجماهير بعد أن عاشت فيما

حققتنا لها أن تغد إلى دار المسئولية كل يوم

لتحيى المستقبل قبل اجتماع جلسة

التخطيط .. هذا شيء جديد يحدث في

القرية .. والفضل لكم ..

رئيس المحكمة : الفضل لتعاون الحاضر مع المستقبل ..

عضو اليسار : ولكنه وقت عمل .. وهذه الهتافات تشغل

الناس عن العمل ..

عضو اليمين : وقد بدأت ألاحظ أنها تجمعات منظمة ،

وهو ما يثير الشك في أن هناك تنظيما قياديا

لهم ، ولا يفصح عن نفسه .

أبو الروس : الأمر لكم .. ما ترونه نحققه ..

عضو اليسار : تصدر قانوننا بعدم التجمع في وقت

العمل ..

أبو الروس : يصدر القانون ابتداء من اليوم ..

عضو اليمين : ويجرى البحث والتقصي لمعرفة ما إذا كان

لما تشاء هناك هناك تنظيم سرى قائم ..

أبو الروس : عبد السميع .. يبدأ البحث حالا ..

عبد السميع : إن البحث يحتاج إلى عينيين وأذنين يضافوا

إلى ما عندي ..

عضو اليمين : يسمح له ..

عضو اليسار : لا .. إن الوقت لم يحن بعد للكشف عن

التنظيم السرى إذا وجد ..

رئيس المحكمة : ثم إن من حق الناس أن يعبروا عن فرحتهم

وتأييدهم لما يحققه المستقبل لهم ..

أبو الروس : أشرت .. ماذا تريدون أن أفعل ..

رئيس المحكمة : يؤجل الموضوع إلى وقت آخر حتى نتيح

للمحكمة فرصة المداولة ..

أبو الروس : يؤجل .. والآن تبدأ الجلسة ..

(يخرج أبو العينين وأبو جهل وعبد

القوى وهم يخطون إلى الوراء منحنيين في

نفاق كبير)

عضو اليسار : شوف يا اخويا خارجين ازاي ..

عضو اليمين : ما فيش فائدة .. دى عادات قديمة

رئيس المحكمة : ليست عادات ولكنها شخصية ضعيفة

تحتاج إلى النفاق ..

(أبو الروس .. يسمع هذا الكلام

ويلوى شفتيه قرفا كأنه يعبر عن تفاهة

المستقبل لاهتمامه بهذه الصغائر)

(يجلس الأربعة يتوسطهم أبو

الروس ، وتبدأ الجلسة)

أبو الروس : اسمحوا لي أن أقدم لكم تقريراً عما تحقق

لقد حولنا مطعم وبرج التل

الأخضر إلى مستشفى ، وعلاوة على ما

حققه المستشفى من رفع المستوى الصحى
لأهل القرية فقد أصبحت له سمعة طيبة فى
المديرية كلها وتوافد عليه المرضى من كل
القرى المجاورة مما ساعد على سد نفقاته
وأياضا حقق فائضا فى الدخل ..

عضو اليسار : يجب تخفيض نفقات العلاج التى يدفعها
المرضى فلسنا فى حاجة إلى هذا الفائض
الذى يعتبر أرباحا نحققها عن طريق
المرض ..

أبو الروس : (يهنيه فى مسخط) لقد خصصنا هذا
الفائض لافتتاح مدرسة إعدادية فى القرية ..
ولأن الأهالى كانوا يرفضون إرسال أبنائهم
إلى المدارس لأنهم تعودوا أن يرسلوهم
للعمل فى الحقول ويستولوا منهم على
أجورهم ، فقد قررنا أن ندفع لأهل كل
طالب يدخل المدرسة خمسة قروش فى

اليوم لنعوضهم عن الأجر الذى كان يتقاضاه
هذا الطالب نظير العمل فى الحقل .. فإذا
استغنيا عن فائض دخل المستشفى فمعنى
هذا أن نقفل المدرسة .
(رئيس المحكمة يتفاوض مع عضو

اليمن وعضو اليسار)
رئيس المحكمة : يؤجل بحث هذا الموضوع .
أبو الروس : وقد استطعنا أن نستغل ساعات العمل التى
وفرها واپور الحراثة ، بأن شغلنا الرجال فى
مصنع لصناعة الحصى وفى مصنع
للسجاد ، معتمدين على إنتاج القرية من
المواد الخام ، كما أننا حققنا مشروعات قام به
نساء القرية ، هو مشروع تصدير الفطير
المشلت بعد أن اكتشفنا طريقة لتصغير
حجم الفطير المعروف وتغليفه ، وبذلك
نجحنا فى تصديره إلى المديرية المجاورة

بل إنه بدأ يصل إلى القاهرة ، حتى إنى أفكر
 في بدء نشر حملة إعلانات عن فطيرنا
 المشتمل في الصحف ..
 عضو اليسار : لأ .. بلاش إعلانات .. ما حدش بيقرأ
 الإعلانات الرسمية ..
 أبو الروس : (بلاش ..)
 عضو اليمين : بلاش له .. دى تخلى الناس كلهم تتكلم
 عن التل الأخضر ..
 رئيس المحكمة : يؤجل موضوع الإعلانات .
 أبو الروس : يؤجل .. وقد كان هناك مشروع إعادة بناء
 بيوت الفلاحين بالطوب الأحمر بدلا من
 الطين ، ولكننا بعد أن وضعنا دراسة طويلة
 اشترك فيها ابن القرية الأستاذ الجامعى
 محمد محمد محمد محمد تبين أن الطين هو
 أفضل المواد لبناء القرية المصرية بالنسبة
 للمناخ ، وذلك على أن تدخل عليه بعض

الإضافات من مواد البناء ويوضع للبيت
 الرافى رسم آخر يحقق مطالب حياة
 الفلاح ، وذلك علاوة على أن البناء بالطين
 يكلف أقل من البناء بالطوب بنسبة واحد إلى
 اثنين ، وقد بدأنا فعلا فى بناء القرية
 الجديدة ..
 رئيس المحكمة : إننا قررنا اليوم بعد التفتيش على مشروع
 إزالة البركة والمستنقع اللذين أضاعا على
 البلدة طول عمرها حوالى خمسين فدانا ..
 قرارنا أننا فى حاجة إلى ماكينة رى ، حتى
 نبدأ فى زراعة هذه المساحة ، ويجب أن
 توفر تكاليف شراء هذه الماكينة حتى لو
 اضطررنا إلى تأجيل إعادة بناء القرية ..
 أبو الروس : (مبتسما ابتسامة كبيرة) هذا سهل ..
 ونستطيع أن نشترى الماكينة دون تأجيل
 مشروع البناء .. وبالمنااسبة اسمحوالى يا

أبنائي أن أكلمكم بصراحة .. إن الجهد الذى تبذلونه يتطلب أن تكون لكم ركوبة تركبونها .. ومش معقول أن أخصص لكم ثلاثة حمير لتتقلوا بها ، فالحمير ليست آلات انتقال تتحمل كل هذه الأقدنة التى تشرفون عليها ، واختصار الوقت هو هدف أساسى فى بناء المستقبل ، والحمير لا تختصر الوقت ، بل تضاعفه .. وأنتم تعلمون أن القرية كانت تمتلك ثلاث سيارات وقد بعث اثنين منها لأبدأ بـشمتها فى رصف الشارع الرئيسى فى القرية .. والسيارة الباقية لنا لا تكفى كل متطلبات القرية فى عصرها الحديث .. لذلك استحوألى أن أعرض عليكم شراء دراجة تخصص لكم .. وليس فى هذا إسراف .. إنه من أهم متطلبات العمل ..

عضو اليسار : بسكليت ..
 عضو اليمين : الحقيقة لازم نجيب لنا بسكليت .. دواعى العمل .. ده انا رجلية اتكسرت من المشاوير ..
 رئيس المحكمة : الحقيقة برضه احنا محتاجين لبسكليت .. بس كنا مكسوفين .. كانت روح التضحية بذاتنا تغلب على تقدير متطلبات العمل ..
 أبو الروس : وبسكليت بموتور كمان ..
 رئيس المحكمة : (فى فرحة) بتقول بموتور ..
 أبو الروس : شفتها .. وعرضها على الخواجة دوكر اللى فات علينا من يومين ..
 عضو اليسار : يعنى عندك ..
 أبو الروس : عندى ..
 (يقوم أبو الروس ويخرج إلى الداخل)
 عضو اليمين : أنت تعرف تركب بسكليت ..

عضو اليسار : طبعاً .. دى نظرية علمية معروفة ..
 عضو اليمين : نتعلمها .. كاشيقها ..
 رئيس المحكمة : اطمنوا .. ركوبها سهل ..
 (يدخل أبو الروس وهو يركب دراجة
 تسير بالموتور ، ومظلاه باللون الأحمر)
 أبو الروس : (وهو يوقف الدراجة وينزل من فوقها)
 آدى البسكليت .. هائلة .. ومتينة ..
 والراجل سابها لنا هدية ..
 عضو اليسار : ورينى ..
 رئيس المحكمة : لا استنى .. لازم أستلمها أنا ..
 عضو اليمين : لا .. أتبدى أنا الأول .. ناخذها من اليمين
 لليسار .. العربى كده ..
 عضو اليسار : انت ما تعرفش عنها حاجة ..
 عضو اليمين : أجربها .. وبعدين اقول لك إذا كنت اعرف
 ولا ما اعرفش ..
 رئيس المحكمة : لا انت ولا هو — أنا المسئول .. وأنا اللي

أركبها .. بسكليت ولا حمار ، أنا اللي
 أركب ..
 عضو اليسار : دى مالهاش دعوة بالمحكمة .. ما انتش
 رئيس : دى آلة تخضع
 للمتطلبات العمل ..
 عضو اليمين : أنا أكثر واحد باشتغل فيكم .. ده أنا بالف
 كل يوم ميت فدان ..
 عضو اليسار : أنا صحيح واخذ الناحية العلمية .. إنما لازم
 أكون على البلد كلها علشان العلم يطبق على
 الواقع ..
 عضو اليمين : كفاية كلام .. أنا اللي جابتدى ..
 (يتقدم عضو اليمين ويشد الدراجة
 الحمراء من بين يدي أبو الروس ويتركها
 له أبو الروس وهو يتسم ، ثم ينزوى بعيداً
 وهو يضع كفه على شفتيه يخفى اتساع
 ابتسامته)

(عضو اليمين يركب الدراجة
الحمراء ويحاول أن يحرك الموتور ، ثم
يحاول أن يتحرك بها ، ولكنه يقع هو
والدراجة الحمراء على الأرض)

عضو اليسار : ما قلت لك ما تنفعكش .. انت مش بتاع
الحاجات دى .. دى مش بسكليت .. ده
تقدم علمى ..

(يخطف عضو اليسار الدراجة ،
ويركب فوقها ، ويدير الموتور ، ثم
ينطلق بها خارج المسرح)

(يجرى وراءه رئيس المحكمة وعضو
اليمين وهما يصيحان) :

عضو اليمين : تعال هنا .. رايح فين ..

رئيس المحكمة : إذا ما رجعتش مش حاسكت لك ..

(أبو الروس يضحك ضحكة عالية ثم
يكنمها ، ويخفى شفتيه وراء كفه)

(رئيس المحكمة وعضو اليمين
يقتربان فى خطوات غاضبة عصبية من أبو
الروس)

رئيس المحكمة : شوف لك طريقة .. لازم يرجع هنا
حالا ..

(يدخل أحد الخفراء ويحيى أبو
الروس)

الخفير : احنا شفنا عضو اليسار طالع بالبسكليت
على السكة الزراعية .. نسيه ؟

عضو اليمين : (فى هلع) ده باين عايز ياخدها لوحده ..

رئيس المحكمة : (صارخا فى وجه أبو الروس) اعمل
حاجة .. لازم يرجع هو والبسكليت ..

أبو الروس : (يصيح مناديا) يا عبد السميع .. يا عبد
القوى ..

(يدخل عبد السميع وعبد القوى
ومعهما أبو جهل)

أبو الروس : اسمع يا عبد السميع تطلع انت وعبد القوى
على السكة الزراعية بالسيارة بتاعتى ..
السيارة بتاعة المسئولية .. وتدور على
عضو اليسار وترجعوه هو والبسكليت ..
عبد القوى : وإذا مارضيش يرجع بالذوق ..

أبو الروس : (موجهها كلامه إلى رئيس المحكمة) لو
مارضيش ؟

رئيس المحكمة : رجعوه بالعافية .. دى مسألة متعلقة بمصير
المستقبل ..

أبو الروس : (لعبد القوى) يرجع بالعافية ..
عبد القوى : (مبتسما) يبقى حابر جمع .

(يخرج عبد السميع وعبد القوى
وهما يجريان ، ويحاول أبو جهل أن ينطلق
معهما فيمسك به أبو الروس ويهمس في
أذنه)

أبو الروس : خليك انت .. لسة ما جاش وقتك ..

(يسود الصمت فى القاعة ، ورئيس
المحكمة وعضو اليمين يروحان ويجيئان
فى خطوات عصبية ، وأبو الروس وبجانبه
أبو جهل يقفان صامتين وهما يخفيان
ابتسامتهما)

عضو اليمين : المستقبل فى خطر ..
رئيس المحكمة : مش كفاية اننا نحمل المستقبل من
الحاضر ، لازم نحمل المستقبل من
المستقبل .. نحمله من نفسه ..

عضو اليمين : أصل كل اللي فى إيدينا اننا نقول رأينا
بالكلام .. مش كفاية الكلام .

رئيس المحكمة : المؤلف غلطان فى تشكيل المحكمة .. ده
احنا من يومها واحنا قاعدين نتناقش
ونتناق ..

أبو الروس : (هامسا لأبو جهل) ده الكلام اللي قلته فى
جلسة المحاكمة وما حدث صدقنى ..

(يدخل عبد السميع وعبد القوى
وهما يقبضان على عضو اليسار وغير
يجر معه الدراجة الحمراء)

رئيس المحكمة : (صارخا) سيئوه .. إن المستقبل يحرم
القبض على أحد دون محاكمة .. وانت
زى ما تكونوا قبضتم عليه .

(أبو الروس يعطى إشارة لعبد السميع
وعبد القوى ليرفعا أيديهما عن عضو
اليسار)

(يقف المسئولون عن الحاضر بجانب
أبو الروس وهم يحلقون فى شماعة صامدة
للثلاثة المسئولين عن المستقبل)

رئيس المحكمة : كنت فى ؟
عضو اليسار : كنت راكب بسكليت ..
رئيس المحكمة : وكنت رايع بالسكليت فى ..
عضو اليسار : كنت بالف على الأرض .

رئيس المحكمة : لأ .. انت كنت رايع البندر ..
عضو اليسار : وفيها إيه لما اروح البندر .
رئيس المحكمة : إن مسئولينا تنحصر داخل قرية التل
الأخضر ، مالناش دعوة بالبندر ..
عضو اليسار : مش ممكن نستغنى عن البندر .. إن العلم
والنظرية والتنظيم .. كل ما يتعلق
بالمستقبل تبدأ دراسته فى البندر ويجب أن
نكون على اتصال به ..

رئيس المحكمة : يعنى تاخذ أوامرك من هناك ..
عضو اليسار : ما اسمهاش أوامر .. النظرية العلمية
بتسميها دراسات واستشارات وحوار ..

رئيس المحكمة : اسمع .. لقد استوليت على الدراجة
الحمراء قبل أن تنتهى المداولة بين أعضاء
المحكمة بشأن تنظيم استغلالها .. ثم إنك
بعد أن استوليت على الدراجة الحمراء
اتجهت بها إلى البندر دون أن تتشاور مع
المسئولين عن المستقبل .. وكل هذه
اتهامات يمكن أن تحاكم عليها وتعزلك من

هيئة المحكمة .. ولكنى بصفتى رئيسا
للمحكمة سأصرف النظر عن كل ما
حدث .. ولنبداً فى تنظيم استغلال الدراجة
الحمراء ..

عضو اليسار : أنا أحق من يستعمل هذه الدراجة .. إن
طبيعة عملى مرتبطة بها ..

عضو اليمين : ما حدث يستعملها إلا إذا استعملتها أنا ..
عضو اليسار : أنت ما تعرفش تركبها ..
عضو اليمين : يبقى ما حدث ثانى يركبها الا إذا عرفت
اركبها ..

عضو اليسار : (فى حدة وصراخ) يعنى إيه ؟ يعنى نربط
المستقبل بإمكانية الجهلة .. انت جاهل
ومش ممكن حاتعرف يوم قيمة البسكليت
الحمراء .. ولا تفهم فيها ..

(عضو اليمين يثور ويهجم على عضو
اليسار ، ويضربه بلكمة قوية على وجهه

(وهو يصرخ)

عضو اليمين : أنا جاهل يا بتاع البندر ..
(عضو اليسار يرد الضربة بلكمة
أخرى وهو يصرخ)

عضو اليسار : اخرس .. يا بتاع سيدنا نوح ..
(تشتد المعركة بين عضو اليمين
وعضو اليسار ويحاول رئيس المحكمة أن
يتدخل فيضربه عضو اليسار فيشارك رئيس
المحكمة هو الآخر فى المعركة ، ويرفع
عضو اليمين الدراجة الحمراء ويحاول أن
يضرب بها عضو اليسار ، فتقع الدراجة
على الأرض وتتحطم)

(أبو الروس والمستولون معه لا
يتدخلون فى المعركة ، ويقفون صامتين
وابتساماتهم تتسع)

(تشتد المعركة إلى أن يقع الثلاثة

الذين يمثلون المستقبل ، على الأرض ،
وهم جرحى ومغمى عليهم)

(أبو الروس يضحك ضحكة كبيرة ..
ها .. ها .. ها .. ويشاركه الضحك
جميع المسئولين معه)

أبو الروس : قلت لكم سيولى أنا المشكلة .. آدبنى
حلتها .. خلاص اطمنوا .. ما فيش خوف
علينا .. ها .. ها .. ها ..

(تتطلق ضحكات الحاضر ، ويعود
لسان أبو جهل يطول ويمتد فوق صدره
ويخرج من تحت جلبابه الميكروفون
ويعلقه حول رقبته ، ويرتفع الرأس الذى
يحملة عبد السميع على كتفيه ويصبح له
ست عيون وست آذان ، ويشد عبد القوى
البندقية من تحت معطفه ويعلقها فوق كتفه
ويخرج الخنجر من جيبه ويربطه حول

وسطه) .

أبو الروس : (مشيرا إلى شباب المستقبل الملقى على

الأرض) شيلوهم من هنا .. خدوهم
المستشفى .. مستشفى التل الأخضر ..

ويوم ما يخرجوا من المستشفى نبتدى
نشوف حل ثانى .. وفكرة ثانية .. ها ..
ها .. ها ..

(تتجاوب الضحكات عالية فى كل

جوانب المسرح)

المشهد الثالث

(ممثل التاريخ يخرج أمام الستار ويواجه جمهور المتفرجين وهو يتسم ابتسامة كبيرة)

التاريخ : سيداتي آنساتي أطفالي سادتي .. المؤلف يطلب مني كل ليلة إنى أقول كلمة .. وسأينى أختار الكلمة اللى أقولها .. وكل ليلة باقول كلمة تختلف عن الكلمة اللى قلتها قبلها .. التاريخ ليس مؤلفا ، إنه يسجل .. والمسرحية اللى شفتوها الليلة دى ليست هى المسرحية اللى اتعرضت ليلة امبارح .. كل ليلة مسرحية شكل تانى .. يمكن الممثلين ما بيتغيروش كثير إنما

الموضوع يتغير .. وأنا الكلمة اللى حاقولها الليلة صادرة عن حكمى أو إحساسى بالتفاؤل .. أنا متفائل ..

(همهمة بين المتفرجين)

التاريخ : مندهشين ليه ؟ هو المؤلف عايز يقول إيه .. عايز يقول إيه .. عايز يقول ان فيه معركة بين المستقبل والحاضر .. ومعركة تانية بين المستقبل بعضه وبعض .. وماله .. المؤلف ما جيش جديد .. هذا هو الواقع منذ وجدت الدنيا ووجد فوقها الإنسان .. سيدنا آدم من يوم ما اتوجد خالف ربنا علشان تفاحة .. وطرده ربنا ونزله الأرض .. وبعدها سيدنا آدم خلف اتنين . اتنين بس .. هايبيل وقاييل . كانوا هم الاتنين يملكوا الدنيا كلها ورغم كده اختلفوا .. واتخانقوا .. إنما التفاحة بتاعة

ابوهم بقت حاجة ثانية .. ومن يومها وكل الناس ما يكثر عددها فى الدنيا الخلافات تكثر ، الخناقات تكثر .. والتفاحة فى كل خناقة تبقى حاجة ثانية .. مرة تبقى فى شكل ملك ، ومرة تبقى فى شكل رئيس جمهورية ، ومرة تبقى وزراء ، ومرة تبقى حنة أرض ، ومرة تبقى شركة تجارية ، ومرة تبقى سيارة ، ومرة تبقى موتورسكل ، ومرة تبقى مجرد بسكليت .. إنما أحب أقول لكم ، وأنا الذى شفت بنفسى الإنسانية منذ وجدت الإنسانية .. أحب أقول لكم انه لولا الخناقات دى كان زمانكم لسة عايشين عريانين بتاكلوا اللى تلاقوه زى ما كان سيدنا آدم عايش .. ده حتى يمكن ربنا هو اللى ترك سيدنا آدم يخالفه علشان يعود أبناءه على الخلاف والخناق .. علشان

يضع الخلافات والخناقات فى طبيعة الإنسان ، ولأن هى الحافز والوسيلة لدفع الإنسان إلى التقدم .. صدقونى .. اللى بيتخانق لازم يدفع حاجة من نفسه علشان يكسب الخناقة .. طبعا فيه ناس يدفعوا فلوس علشان يغرو الناس الثانية بأنها تقف معاهم فى الخناقة .. بس كمان فيه ناس بتدفع أفكار جديدة .. ومشاريع جديدة وأنظمة جديدة .. هو ده النوع من الخلافات والخلافات والمعارك اللى تخلق الإنسانية تتقدم .. وتتقدم .. وتتقدم .. تعرفوا تفضل تتقدم لغاية فين وإمتى ؟ لغاية ربنا ما يلاقى الناس خلاص ، اكتمل بنيانها ولم تعد فى حاجة إلى معارك وخلافات تتقدم بها نحو الأفضل .. يومها ربنا حايعير طبيعة آدم ويرجعه الجنة .. يعنى كلنا نرجع نعيش فى

الجنة ..

(أحد المتفرجين يقوم ويهم
بالانصراف)

التاريخ : خليك قاعد .. ما حدش يبعد عنى .. أنا
قلت لكم انكم مش متفرجين على ديتى إنما
انتم عايشين فيها . المسرحية دى
مستمرة .. مستمرة إلى الأبد .. المؤلف
ترك جيل المستقبل يدخل المستشفى ..
وماله ؟ فى كل المراحل اللى مرت على
كان المستقبل محتاج انه يدخل
المستشفى .. ومش معنى كده اننا نسيب
الحاضر يشتغل لوحده .. لأ .. لازم نفضل
مركزين عيوننا وعقولنا عليه علشان يحسب
حسابنا وبخاف منا ويتقدم بينا على قد ما
يقدر ، وعلى قد عقله .. وبعد شوية
حايخرج جيل المستقبل من المستشفى ..

حايخرج سليم .. وحايكون اتعلم وأحد
درس .. وتبتدى الخناقات من جديد ..
تبتدى معركة تقدم الإنسان ..

(يزيح التاريخ حافة الستار ويهم
بالدخول خلفه)

التاريخ : عن إذناكم .. لازم ادخل اطمئن على صحة
المستقبل ..

٥٦٣٦

٧٧٦ — ٢٠٧ — ٨٥ — ٢

نهاية